

394

Buiffon ✧

M^d. Apothicaire
au Marché neuf.



2003-04
Jan. 10/11

100
100
100
100



ANTIPARALLELE
DES VIPERES

ROMAINES,
ET HERBES.

Candiottes:

*Auquel est preuue, la Theriaque Lyonnaise
n'auoir pas seulement les vertus & effets du
Theriaque Diatesfaron, mais aussi
du Grand Theriaque de la
D. d'Andromachus S.*

Progenies viperarum, quomodo potestis
bona loqui, cum sitis mali?

Matth. 12.



A LYON,

POUR CLAVDE, & JEAN CHASTELLARD,
Pere & Fils, en rue Merciere.

M. DC. XXXII.

Aucc Permission.



Handwritten signature:
H. W. H. H.
H. W. H. H.



A MESSIEVRS,
MESSIEVRS
LES MAGISTRATS,
ET CONSEILLERS DV ROY,
en la Seneschauſſee & Siege Preſi-
dial de Lyon.



*'EST à vous, MESSIEVRS,
à qui ie me rends, pour obtenir
en mon particulier la Juſtice
que vous departez à tous. Je*

*l'implore contre la calomnie, & l'iniquité
tapie dans les ſombres flancs, qui l'ayant
conceuë dès l'annee 1619. l'ont malheureu-
ſement enfantee à ceſte heure. Cet ayorton
n'eſt après tant de temps venu au iour, que
pour taſcher d'eſbranler voſtre Authôrité,
celle des Preuoſt des Marchands, & Eſche-*

vins, du College de Medecine, & du corps
 des Maistres Apoticairez. Je sçay qu'on
 pourroit attribuer en partie ce retardement
 si extraordinaire, au temps employé aux
 chicanes, & à l'estude d'une Religion con-
 traire: pour par ce moyen recourir à une
 Cour mi-partie, tournant le dos au culte de
 ses predecesseurs, pour paroistre mieux fondé
 en un procès morfondu. Néantmoins, ceste
 tardiveté seroit tolerable, si ce n'estoit, si ce
 n'est: mais, entrer si tard dans l'Hostel-
 Dieu, pour y semer si tost une opinion aussi
 nouvelle qu'erronnee, sans argument, comme
 sans jugement; c'est une action autant di-
 gne de blasme, que blasmable de temerité:
 car, à quel propos violenter les Administra-
 teurs des facultés des pauvres, à vuider
 leur bourse, sans raison, & sans mesure; à
 prodiguer les largesses des gens de bien, en
 des frais superflus, & à hurter la reputa-
 tion des Docteurs, reprenant leurs opinions,
 & ravalant par des escrits qui sentent l'es-
 colier, les avis & les sentences des plus ha-
 biles

biles Maistres. Il en est venu jusques à ce point, ce Paralelliste, que de charger les gens de bien de l'opprobre qui est logé plus-tost chez luy, jettant sur autruy le titre ignominieux d'Hermaphrodite, qu'il s'est meritoirement acquis, par sa double Religion, & par la reforme difforme de la Doëtrine de ses Peres. L'estime donc que vostre equité, Messieurs, condamnera ceste malignité, & que vos Esprits relcuës qui pesent toutes choses à la balance de la raison, jugeront que ce que vous avez honnoré autrefois de vostre presence, doit estre à present authorisé, ce qu'elle a legitimement vne fois approuvé, après le rapport des Doëteurs Medecins, & l'applaudissement vniuersel des Maistres Apoticairez de ceste Ville, & du Royaume. le ne peus, sans faire tort à vostre merite, & me rendre criminel, presumer que la verite vieillisse dans vos jugemens, elle y rajeunit tous les jours, son lustre y brisle dans son apogee; Vous en estes les conservateurs: Et si les Iuges Payens en portoiët

l'apparance de son Image appendue à leur col, vous en produisez les effets dans les oracles que vous prononcez, comme en estât dispensateurs legitimes. Considérez, Messieurs, la priere que ie vous fais. Mon bon droit, accompagné de vostre assistance, n'a besoin d'aucun autre ageancement. Je ne le veux pas rechercher dans les lieux de l'Escriture, qui ont esté dictés pour vne fin plus releuee, ainsi qu'à fait le Paralelliste, en son Epistre Dedicatoire, qui semble auoir esté fabriquee à l'issuë d'un Presche, puisque l'Eternel, & le Tout-puissant y sont entrés, Moysé avec David, Salomon, & certains reliquats de Rithmes conjoints à vne Parabole Euangelique, estenduë le long d'une page, sans oublier le miel, & le beurre d'Isaye pour dessert à la closture de ce festin Euangelique. Il n'est veritablement en mon pouuoir de seruir vne telle varieté de mets, prins dans le parc de l'un & l'autre Testament. Et comme ie n'ay jamais professé qu'une vraye Religion, de laquelle aucun

Procés

*Procès, voire criminel, ne me sçauroit faire
desister. Je ne suis point si stylé à manier les
saincts Cahiers , que ceux qui font gloire
d'en cracher les passages à tous propos, fai-
sants plus de parade de l'escorce, qu'ils n'ad-
joustent de creance au sens misterieux lequel
y est compris. Vous separerez, Messieurs,
s'il vous plaist, ma naïfueté de leur malice.
Vous rebuterez leur mauuais dessein , &
receurez les pures intentions de*

MESSIEURS,

**Vostre tres - humble , &
tres-obeissant seruiteur,**

LOVYS DE LA GRIVE,
*Apoticaire du Roy, & Garde Juré
en la Ville de Lyon.*

1. 1907

The first of the series of experiments was conducted on the 1st of January 1907. The object of the experiment was to determine the effect of the temperature of the water on the rate of the reaction. The results of the experiment were as follows:—

1. 1907

2. 1907

3. 1907

4. 1907



A M O N S I E V R,

*Monsieur Pellot, Sieur de Sandars, &
Port-David, Cheualier, Conseiller du
Roy, Thresorier de France en la Genera-
lite de Lyon, & Preuost des Marchands.*



O N S I E V R,

Si l'inclination que
vous auez aux choses bon-
nes & vertueuses, ne nous estoit co-
gneuë, ie douterois d'hazarder à vous
presenter ces lignes, pour leuer l'im-
pression que vous pourriez auoir con-
ceu, & vous desabuser de la supposi-
tion contenuë en vn Parallele, qui
vous a esté dedié, abusant mal à pro-
pos de vostre loisir qui ne vous occu-
pe qu'à la consideration de la vertu

& de la verité, & iamaïs à l'entretien de l'artifice & du mensonge, dont vostre esprit est non plus susceptible que l'hermine de l'ordure. Aussi me promet - ie de vous faire voir que l'Auther dudit Traité, a esté autant temeraire en la recherche de vostre Nom pour só azile, que peu iudicieux au choix des pretendues raisons qu'il allegue, pour iustifier son dire. C'est ce qui vous obligera, MONSIEUR, de proteger de vostre faueur, les presentes que nous fournit prodigalement nostre Patrie, puis qu'ils ne s'étaient qu'en suite de l'exacte recherche qui en a esté faiçte, & ne se distribuent au public, qu'après auoir esté soumis à l'Approbation des DD. l'ay donc recours à vous, & à l'accueil que j'espère de recevoir de Messieurs nos Magistrats. Ce que ie vous suis, & le zele qui m'enflamme, à vostre imitation, au bien commun, me force
à vous

à vous faire part de mes sentiments,
 en la Replique au Parallele que ie
 vous adresse. Vous mesurerez, s'il
 vous plaist, l'ouurage, non pas au pou-
 uoir, mais à la volonté de l'ouurier, &
 le verrés d'aussi bon œil que vous le
 presente de bon cœur,

MONSIEUR,

*Vostre tres-humble, & tres-obéissant
 seruiteur,*

LOYYS DE LA GRIVE,
 Apoticaire du Roy, & Garde
 Juré en la Ville de Lyon.

...
...
...
...
...
...
...
...

...

...

...

...



A MESSIEURS,
MESSIEURS LES DOYEN,
ET DOCTEURS MEDECINS
Collegiés, de ceste Ville de Lyon.

MESSIEURS,

*Ces Caractères vous somment de la part de
vostre Approbation faicte dès l'an 1619. de
mettre à l'abry mon innocence, des traits que
luy darde la Calomnie. Vostre interest, egale
non- seulement le mien, mais le surpasse; bien
que. les mauuais Epithetes que vous impose
l'Auteur du Parallele, auquel ie ressons, deus-
sent mesmes faire rougir le front de l'œuvre qui
les contient. Il porteroit raisonnablement les li-
vrees de sa honte, mais puis qu'il manque de pu-
deur, ie recours à vostre candeur, & vous conju-
re, par la dignité de vostre Profession, presque
divine, de garantir la Verité, par vostre desad-
uen, des atteintes de ce Thessale, & de mainte-
nir inuiolablement l'honneur qui vous est deu,
qu'il vous veut enlever. Vous ne pouvez me
desnier*

desnier ceste Requeste : elle est establie sur des raisons pertinentes employees en cest Antiparallele, esloignees neantmoins de l'Elegance, bien-souvent ennemie de la Verité, de laquelle j'embellis le mien, comme l'experience & l'attestation de vos Jugements est le seul enrichissement que ie luy donne. La nouveauté de mes Escrits ne vous les rendra pas mesprisables, il y en a eu de ma Profession en tous siècles, & en diuers Pays, qui m'ont precedé, & d'autres qui me suivront, au desir que j'ay de faire le public participant de ce qui est de ma Profession. Nicolas Hoüel, entre les recents Apoticairez fameux de Paris, dedia vn ample Traité du Theriaque & Mithridat au tres-Chrestien Roy Charles I X. Jean du Bois, qui semble auoir esté mieux qu'aucun autre partagé de trois qualitez requises, à vn homme de sa condition. Jean du Seau aussi Parisien, & Placotonus Tourangeau, se sont conformez à l'exemple du premier. Francisco Veles Apoticaire du Roy d'Espagne, qui a particulierement escrit de la Nature des animaux employez en l'usage de la Medecine, voire mesmes tres-curieusement de la Vipere. Entre les Italiens Hier.Calestanus, & Iosephus Santinus tres experts Pharmaciens, ainsi qu'il appert par leurs Pharmacopees, & exactes, methodes des trois Parties Pharmaceutiques ; &

Georgius Melichius Augustanus, avec l'Addition d'un Traité de la Theriaque dans son Antidotaire; & de fraische datte Laurent Cattelan aussi expert en la theorie, qu'assuré en la pratique, a mis au iour sous les auspices de Monsieur Sarrazin l'un des premiers Medecins de ce temps, & de ceste Ville, vne demonstration methodique des ingredients employez en la Theriaque, dispensée publiquement à la face des Magistrats, & en presence des Professeurs de l'Vniuersité de Montpellier. Je ne veux rapporter, n'y alleguer un grand nombre d'autres qui seroit pour trop amplifier le papier. Vous agreerez donc, MESSIEURS, ce petit Labeur, & excuserez d'autant plus librement mes deffauts, que ie n'ay en main la doctrine, ny la lecture d'autres Livres, que de ceux qui concernent ma profession. Aussi n'eusse-ic iamais osé entreprendre ces lignes, si le deuoir de la charge qui m'honore, parmy mes chers Confreres, ne m'eust mis la plume en main, pour repousser les efforts, & les bourrasques boutadeuses du Paralelliste. Ceste consideration vous oblige à vous maintenir contre luy, puis que la cognoissance que nous auons de vos merites, nous porte à vous honorer, & l'ignorance de ses propres deffauts jointe à l'enuie qui le maistrise, luy aiguise les dents pour ronger & dechirer la reputation d'autrui. Le iuste ressentiment

timent que vous en pouuez auoir , le deueroit exclurre de vostre College . puis que les procédures chicanenses dont il s'est seruy & se sert, troublent le repos de vostre Compagnie. La crainte que i'ay d'estre infecté de son venin, parlant de luy, change mes imprecations aux vœux que ie fais au Ciel , pour sa resipiscence , pour vostre prosperité , & pour la continuation du desir que i'ay d'estre à iamais,

MESSIEURS,

Vostre tres-humble, & tres-obeïssant
seruiteur,

LOVYS DE LA GRIVE,
*Apoticaire du Roy , & Garde
Iuré en la Ville de Lyon.*



*A MESSIEURS LES
Apoticairez jurés de la Ville de Lyon.*



L n'est pas possible, Messieurs, & Confreres, d'exprimer suffisamment l'excellence de laquelle est doüee nostre Profession, & la noblesse dont est enrichi nostre art de Pharmacie. Son importance & sa necessité se peut aisément remarquer dans les rapports, & les subordinations qu'il a avec la Medecine, c'est son bras droit, c'est l'instrument sans lequel elle ne peut operer les effets de ses merueilles, ni les merueilles de ses effects. C'est elle seule aussi à qui appartient la preparation des medicaments. Elle seule s'en approprie la cognoissance, & s'en reserve absolument l'Electiion. Ceste consideration m'oblige à publier hardiment, que nous ne deuons rien à nos Ancestres, & que nos remedes accomplis de leur meslange, voüés à la santé publique, ne dementent point

dans leurs operations la grandeur de vos
 esperances. Tellement que pour ne dero-
 ger à l'autorité, ni frander la prescription,
 qui milite pour l'Authéur objecté par le
 Paracelliste ; nous avons tesmoigné nostre
 sollicitude depuis vingt années, pour le re-
 couurement des drogues qui nous sem-
 bloient auparauant incogneües, contribuât
 par la curiosité de nos recherches à la per-
 fection de nos Compositions Royales , le
 Baume d'Arabie ; son bois , & son fruiët ;
 l'Aspalathus verus , le Cinamome de Gal.
 l'Amomum, vray Botritis , le Costus, Zin-
 ziberis-facié , l'Acacia-vera ; & sans men-
 dier ailleurs, ce qui abonde chez nous , les
 Viperes, & les trochisques qui s'en formēt,
 en sont des tesmoins irreprochables. Vous
 n'ignorez pas que nostre terroir n'en pul-
 lule, & vous ne pouuez reuoquer en doute
 la fertilité de ces feres, en ayât fait la chas-
 se , ainsi que moy , & depuis entretenu des
 chasseurs à ce sujet. Ces Squilles blanches
 & apportees d'Espagne n'attendent pas
 leur loüange d'vne langue qui n'en merite
 point, j'entends de celle du Paracelliste, le-
 quel les qualifie Pancration : ignorance
 neantmoins pardonnable , pouuant dire
 ainsi que celuy de son Authéur , *excusando,*
si

si con dire, non le cognosco. Iugez maintenant ce qu'il ne diroit pas , si nous auions employé, & mis en jeu vn si grand nombre de substitués, qui ont esté toutefois tacitemēt approuués , par la tolerance de plusieurs Vniuersités fameuses. Que s'il a pleu à ce Grand Dieu de nous octroyer liberalemēt ceste vacation , pour le benefice general de tous les hommes , sa dignité a esté recogneüe , & s'est acquis vn tel ascendant sur l'esprit des plus puissāts Monarques, qu'ils ont affecté passionnément ce que nous desirons d'executer , conseruant ses lauriers par la culture laborieuse de vostre capacité allice à vostre industrie. Et vrayemēt nous sommes instruiets de longue main par nos traualx, nos veilles & despeses, cōfirmées par des reglements establis par la gratification de nos Roys , fondés sur l'autorité d'vne Cour souueraine , & fauorisés de la protection de la Iustice Presidiale de ceste Ville : Toutefois la jalousie nous poursuit, & l'impuissance de si bien faire que nous, nous trauerse; son repos est dans ses inquietudes , son azile dans son naufrage , son assurance dans sa perte , & sa douleur dedās ses os, *putredo ossium, inuidia* : elle brûle d'vne ardeur continuelle , & taschant de l'ex-

haler par sa voix anime le Poëte à dire,
Peragit cursus surda Diana suos.
 jusques à ce, que

*frigidus in pratis cantando rumpitur
 anguis.*

Ne laissez pas pour cela d'exercer la charge
 à laquelle la Divine Bonté vous a destiné,
 & vostre merite appellé. Vivez heureux
 dans le respect du Ciel , & la crainte du
 monde ; vous jouyrez paisiblement le reste
 de vos jour de la recognoissance de vostre
 chere Patrie. Il est vray que dès long temps
 ie m'estois promis que ceste maudite enuie
 se dechargerait de son fiel , comme les Vi-
 peres gardiennes du Baume de leur venin ;
 mais j'ay esté surprins dans mon attente.
 Cet Hydre ayant croupi , & conué ses sini-
 stres projects, se jette en campagne, esuente
 sa mine dans ses manuscrits , voire jusques
 aux Prouinces estrangeres , pour susciter la
 diuision , où l'ynion doit regner, & mettre
 le nombre dans l'vnité , changer en confu-
 sion le bon ordre , & verser dessus nous ses
 malignes influences ; si le Soleil de Iustice
 ne dissipe les tenebres qui aveuglent plu-
 sieurs esprits ; pour leur faire recognoistre
 nostre innocence, & leur malice. Nous re-
 nons de nos Peres la bonne intelligence
 qu'ils

qu'ils ont toujours eüe avec les anciens Medecins. Nous l'aüons à leur imitation pratiquée heureusement iusques icy ; continuons de mesmes dans ce dessein ; ce sera le Public, qui cueillira les fruiëts , & la pomme de nostre concorde. En ce qui me touche, si ie n'ay punctuellement satisfait à ce deuoir, au moins peus-ie veritablement asseurer, l'aüoir recherché ; excitans ceux qui me deüançoient par leur mente , tels que vous, de ne pas demeurer en arriere par leur indifference. C'est ce qui n'arriuera jamais, si la Majesté Diuine accepte benigne-ment les sinceres intentions de.

MESSIEURS,

Vostre affectionné Confreere, & obeïssant
seruiteur,

LOVYS DE LA GRIVE,
*Apoticaire du Roy , & Garde
Iuré en la Ville de Lyon.*

Handwritten text at the top of the page, possibly a title or header.

Main body of handwritten text, consisting of several lines of cursive script.

Lower section of handwritten text, continuing the narrative or list.

PREFACE.

PLEVST à Dieu qu'aux
despens de ma reputation & à
l'intérêt de mes sentimens pre-
cedents, ce que nostre Thessale
aduoüe, fut vray, Que les Viperes Lyon-
noises ne sont telles, & si bien auenantes à
ce nom, que les Romaines, puis qu'il semble
qu'il n'y auroit pas un petit auancement
à la gloire du terroir François, si vne crea-
ture de telle condition que la Vipere s'y
treuuoit moins parfaite en son essence qu'aux
Pays estrangers: Et peut-estre pourrions-
nous joindre ceste loüange avec celle que
S. Hierosme luy a jadis donné, apres y auoir
vescu long temps, sola Gallia monstra
non habet, mais le Paralelliste n'a garde
de gratifier de tant sa Patrie, car tout son

escrit faiët voir ouuertement, que les vi-
 peres Lyonnoises, sont autant vipe es, que
 les estrangeres, mordent, picquent, & enue-
 niment, ce qu'elles attaquent, aut ant & pos-
 sible plus qu'aucunes autres. Je requiers
 seulement d'estre receu à preuue, & non
 d'estre creu à ma simple parole. Il est vray
 qu'on s'est estendu sur les merueilles & sur
 les admirables effets des compositions The-
 riacale & Mithridatique, mais les infinies
 vertus qu'elles possèdent ont tant & tant
 de fois esté publiees, escrites, & communi-
 quees, qu'il n'eust esté necessaire de rappor-
 ter toute la traduction de Galen, pour en
 remplir le papier, si ce n'eust esté à dessein
 d'y entremesler vne aussi grande diuersité
 de faussetés, & paroles enuenimees, qu'il y
 a de differents ingredients en icelles, l'expo-
 sition que tant de Maistres experts en ont
 faiët, l'experience qui en a esté si souuent
 pratquee, es presences des Gouverneurs,
 Magistrats, l'orp^e de Ville, de l'College de
 Medecine, eust plü suffire pour l'arrest d'un
 esprit

esprit attrempé, qui se fust bien gardé de se laisser emporter à de telles extremités, & se feindre des aduersaires à plaisir, dans son oyssiveté & faute d'employ qu'il menasse, si elle continuë, de rendre fatale aux trauaux & serieuses occupations des autres: ceste feinte d'aduersaires controuués se voit manifestement en l'hypothese supposee, & comme les Sieurs Docteurs Medecins n'ont refuté la Description de Gal. ny moins les drogues de Candie, & les Viperes de Rome, à quel propos doncques se trauailler tant contre ceux qui ne les reiettent, ny ne les impreuent point? Ce à quoy il falloit seulement butter, estoit de voir si l'on peut de mesme se seruir de nos Viperes, & herbes Lyonnoises, sans blasonner les Romaines quand on feroit semblable composition à Rome, ainsi que Gal. lors qu'il y faisoit sa demeure.

Or le Paralelliste ne sçachant qu'objeter contre ce dequoy il est question, s'escarmouche contre ce dequoy il ne s'agit point,

parce que le respect que chacun porte à Gal.
 & a ses decrets, estant notoire, tant de dis-
 cours n'estoient point necessaires pour preu-
 uer que ce qu'il auoit prescrit estoit receua-
 ble, non plus que d'un si grand tas de paro-
 les pour la manutention de l'honneur deub
 & defferé de tous à ce grand homme, sa
 gloire & son lustre est assez esclattant sans
 autre lumiere empruntée, car il n'appartient
 pas à un petit vermisseau, ou à quelque
 chetif bois pourry d'entreprendre de prester
 de la clarté au Soleil, & d'augmenter sa lu-
 miere sous ceste pretendue reforme de l'abus
 commun & zele specieux de l'honneur qui
 est deub aux resolutions de ce grand homme.
 Ce Thessale qualifie Messieurs les Medecins
 personnages de qualité & capacité, visible
 à tous, les chiens du Capitole, qui n'ont osé
 abbayer, les taxans d'estre attrapeur de cu-
 ree. On peut bien appliquer à ce faict ce que
 Diomedé chez Homere disoit des fils des in-
 fortunés, & des malins, lesquels vrayes tau-
 pes qu'ils sont, osent siller les yeux aux rais
 du

du Soleil : si on n'ayme mieux soustenir ,
 Que comme le veau marin , craignant le
 foudre & le tonnerre, treuve de l'assurance
 au profond des abismes : ainsi ce terrestre,
 mussé au fonds de son erreur, ne peut conce-
 uoir les doctes opinions des Sieurs Docteurs
 qui ont bien esté autres qu'il ne les a cou-
 chees. Ceste iniure enuers tant de grands
 Personnages, seroit plus legere si elle n'estoit
 agrauée d'une tres-insigne ingratitude en-
 uers Dieu, lequel cét esprit rebours , faisant
 contenance de maintenir Gal. paye d'une
 extreme mesconnoissance , mesprisant les
 dons que sa diuine Bonté a agréé de nous
 donner en ceste terre, comme si les aliments
 que nous possedons ne nous estoient pas plus
 utiles & fauorables , que ceux que nous
 pourrions mendier de plusieurs centaines de
 lieues de nous ; & qui ne iugera que si Gal.
 eust composé la Theriaque à Lyon il n'eust
 attiré de Rome , ce qu'il eust pû auoir com-
 modément icy? pourquoy veut-on donc nous
 persuader qu'estant à Rome, & s'estant
 seruy

seruy de ce qu'il y auoit à commodité, il aye
 reietté & condamné ce qui se treuue ail-
 leurs ? Les preuues sont erronees, la conse-
 quence ne peut qu'estre vicieuse : mais tou-
 tes ces considerations, pour preignantes &
 fortes qu'elles soyent, ne sont rien à vn esprit
 agité, faut qu'il se tourmente soy-mesme, &
 que s'il ne peut mordre, qu'il rue, sur les per-
 sones de merite, il faut qu'il les appelle inte-
 ressés, traffiqueurs, tout ainsi que si les Vni-
 uersitez fameuses de nostre France, voire
 hors du Royaume, ne contenoient des per-
 sonnes autant, voire hors de toute compa-
 raison, plus capables que luy, & de digle vo-
 le par dessus tout cela, & laissant à terre le
 iugement de tant de grands cerueaux se
 guinde par dessus, disant que nos Theriaques
 ne sont qu'un Diatessaron, & parle à pro-
 portion de plusieurs autres de nos remedes,
 tres-bien recens & approuués de tous les
 bons & sains iugemens, il menasse si le bon-
 heur de l'employ ne luy dit mieux cy après,
 de faire imprimer des feuilles là dessus &
 remplir

remplir le monde d'Herésies, en faiēt de compositions de Medecine, croyant que de tramer & fomentier des controuerses, soit l'vnique moyen d'abolir les plus sacrés & salutaires medicaments, comme si c'estoit vne bien raisonnable vengeance que celle que l'on prend sur le public, & sur la verité, pour flatter la demangeaison de sa passion, & ne rester sans vindicte; c'est tirer du venin au lieu d'un bon suc, c'est imiter la mouche qui s'arreste sur l'vlcere, & ne cherche que l'ordure, ou bien l'araignee qui conuertit l'aliment en venin, que de treuuer à redire à ce qui a esté authorisé par tant d'autres qui ont passé deuant nous, c'est monstrier vne enuie mortelle, & si i'ose dire vne ignorance volontaire, c'est se mespriser soy-mesme, & faire paroistre que l'on fuit les actions louables, pour n'estimer que les fruiets prodigieux d'un esprit inconsideré. Tant plus ie pese & considere cecy, plus ie recognois le besoin que i'ay d'une extremo prudence, qui est à vray dire, selon le Phi-
losophe

losophe, l'amblique, l'œil de l'ame, très-neces-
 saire pour se preseruer des langues malignes,
 qui ne taschent qu'à mordre sur la reputa-
 tion d'autrui, & à luy raurir ce qu'il a de
 plus precieux, qui est la charité. Nos iours
 ont bien veu & experimenté de pestes &
 bosses grandement enuenimees, mais ie n'en
 ay point remarqué de plus contagieuses que
 celles qui empoisonnent la reputation, & ie
 ne crois pas que la saluue des ces viperes
 Romaines chantees par le Paralelliste &
 preserees aux Lyonnoises ayent vne escume
 plus corrosiue que celle qui humecte la lan-
 gue de la bouche beante de la mesdisance,
 qui ne treuue rien de bien sinon dans la con-
 tradiction, & aux satyres; il veut boule-
 uerser ce que l'antiquité esleue, & ternir l'es-
 clat d'une profession aux Maistres de la-
 quelle elle a dresé des autels comme à des
 petits demy-dieux, il n'estoit ja besoin de
 tant rouler pour vn si chetif dessein, ny fuir
 vne Cité telle que celle-cy pour se mussier &
 cacher dans les fonds & recoins d'un lieu,

que

que la bien-sceance ne me permet de nom-
 mer, dans les Fauxbourgs, ainsi qu'à la Vil-
 le, ny moins de courir les armées & se cou-
 urir du premier Medecin de France, pour
 baptiser une Royale composition du nom
 d'appellourde, ce n'est pas recognoistre l'hon-
 neur que cét habile-homme luy a rendu,
 l'ayant receuë d'un œil serain, pour la faire
 agreer à la majesté du plus juste & mag-
 namme Monarque que le Soleil aye jamais
 œillade, aussi estoit-elle preparee trop fidele-
 ment, & soutenue de piliers trop fermes,
 pour estre esbranlee par un Sanson aveuglé
 de malice, & d'enuie; & on peut voir
 combien sa passion l'esbloüit, en ce que
 il a eu le moyen de treuver bonne part
 en cest honneur, & en ceste gloire, se
 treuvant inseré en une si honorable Com-
 pagnie, & admis à un des premiers Col-
 leges de l'Europe, où tant de personnes
 mettables, & d'esprits bien faicts, cueil-
 lent à bon droit les fruiets de la loüan-
 ge deuë à leurs merites; il est honoré
 de

de surplus de la loüange de Medecin de l'Hostel-Dieu (Vray theatre d'une charité bien enflammée) à laquelle tant s'en faut qu'il aye rendu ses devoirs qu'il l'a bannie de sa Vraye maison, usant de vengeance & de ressentiment injuste , contre l'Apoticaire employé dans la boutique des pauvres, à l'encontre duquel l'on a assez remarqué son procédé, par l'abandonnement, n'ayant voulu permettre les remèdes requis à l'attaque d'une fièvre aiguë, de manière qu'il a esté nécessaire qu'il y en eust de plus charitables que luy, qui se promettent de l'estre seulement en la destruction de la Vraye Medecine.

De ce que dessus on se peut aisément figurer si ie n'auois pas sujet de dire, que nous auons à Lyon des Viperes qui sont aussi bien (pour ne dire aussi mal & aussi meschamment) Viperes que les Romaines, si on ne veut plustost dire que ces esprits mal timbrés, cherchant des viperes pour vomir le venin de leur passion contre autrui,

Veri

*verifient en eux mefmes l'ancien Prouer-
 be, afpis à vipera. Pour moy, & la junte du
 discours auquel ie me vois engagé pour le
 bien du Public, & intereft de la Verité, ie
 tafcheray de faire qu'on recognoiffe combien
 ie fuis aliéné d'une fi peruerfe humeur, re-
 monftrant fimplement, mais efficacement:
 fans déguifement mais avec poids & force,
 quelle eft la Verité que l'on veut opprimer;
 & ie me fay fi fort de l'equité de ma cau-
 fe, que ie me tiens affeuré de la confirmation
 de tous les Doctes & experts qui ont fi bien
 fécondé nos deffeins en leur premier senti-
 ment Que fi quelque petit entendement fe
 laiffoit en giroüette gagner à tout vent, il
 ne fera mal-ayfé d'en rapporter la caufe,
 efpuchant la penfee du diuin Platon en
 fon banquet, quand il dit avec myftere, (à
 fon ordinaire) que ceux qui ont esté mordus
 de la vipere ne veulent déclarer ce qu'ils
 endurent, qu'à ceux qui font en pareille souf-
 france de mefme alteration qu'eux. C'eft af-
 fés en peu de mots, qui peuuent à bon droit*

estre espargnés. en l'Avant - propos d'un
discours, lequel doit subir la censure de se
judicieux & graves Lecteurs.

ANTI



ANTIPARALELLE
DES VIPERES
ROMAINES, ET
Herbes Candiottes.

*Auquel est preuue la Theriaque Lyonnaise
n'auoir pas seulement les vertus & effets
du Theriaque Diatessaron, mais aussi du
grand Theriaque de la D. d'Andro-
machus S.*



ONSIEVR Maistre Iac-
ques Pons, vniuersitaire Do-
cteur Medecin, & Doyen
du College de Medecine
de ceste Ville, en laquelle il a exercé
la Profession fort longues années,

avec estime & réputation grande, entre autres marques qu'il a laissé pour mémoire du zèle qu'il a eu au service du public pendant sa vie, c'est vn petit Traité dedié à feu Monsieur de la Riuere, premier Medecin du Grand Henry de mémoire immortelle, contenant enuiron 40. fucilles, intitulé : *Aduertissement pour la preservation & cure generale contre tous poisons, & comme* ledit Sieur Pons n'oublia aucuns remedes pour suruenir à tels accidens, il ne laissa en arriere les compositions du Theriaque, & Mithridat, voire donnaist à la Theriaque le premier lieu, & particulièrement à celle qui s'expose & prepare dans ceste Ville, comme il le marque tres-bien au feuillet 39. dudit Traité, disant, *Que la Theriaque* dispensée à Lyon c'est treu- uée de beaucoup plus grande effi- cace qu'en beaucoup d'endroits où on la preparee, veu le manquement,

que

que plusieurs font, contre l'ordon-
 nance & description d'Andromachus.
 Ce que recogneu tres-bien par ledit
 Sieur, l'on a rencontré les effets sui-
 uant l'intention des Autheurs, ce qui
 me donne sujet d'estre en quelque
 façon dans l'estonnement, voyant
 que nostre Paraleliste, qui se dit estre
 descendu de sa tige, ne produise des
 fruiets dignes d'un tel arbre: qu'au
 contraire il expose vn Traité compo-
 sé de quatre Paradoxes, les appellant
 ainsi & à sa mode, suivis & accompa-
 gnez d'autoritez, pour contrarier
 Messieurs ses Collegues. Quant à moy
 ie ne suis, ny veux estre en ce sujet
 trop Paradoxiste pour luy respondre,
 mais en Pharmacien & au mieux que
 le temps me le permet, n'y desirant
 employer tant d'années comme il a
 faict: car deslors qu'il estoit à Paris, il
 auoit desia faict courir des manuscrits
 sur ce mesme sujet, & faict mettre

sous la presse quelques feuilles. Ce qu'il a voulu poursuivre estant icy, & esclorre en vipereau, en despit de ses Collegues, les taxas, comme a esté dit en la Preface, & sans respect quelconque de Messieurs les Recteurs trop indulgens à ses deportemens. Si son esprit eust esté rassis, il auroit considéré que les Maistres Apoticaïres ne pouvoient ny deuoient auoir aucune crainte, qu'une dispensation de Theriaque faicte dans l'Hôtel-Dieu, peut préiudicier à celles qu'ils dispensent & debitent; attendu que celle-là n'estoit destinée que pour le seruice des pauvres, & non pour estre vendue indifferemment à tous; ny en gros; ny en detail, veu mesme que celles qui ont esté préparées tant par feu Monsieur de Noyelles; & moy sous les auspices de M^{seigneur} de S. Chamond, alors Lieutenant de Roy en ce Pays, estoit sans substitut, fors que du baume,

me,

me, & composé de tous les simples de Crete, que par le Sieur Antoine Colin en l'an 1620, n'ont empêché la débilité des autres, ny de celles que depuis l'on a préparé des herbes Lyonnoises ou Prouençales, aussi chaudes que celles de Crete, ou à peu pres.

Il dit en vn autre lieu, que Messieurs les DD. ont voulu faire croire que la Theriaque Lyonnoise estoit meilleure que celle de Rome. C'est imposture & calomnie : car ce n'a iamais esté leur intention. S'il a la memoire aux bonnes choses, il se souuiendra que lesdits Sieurs DD. & Maistres Apoticares assemblés dans le Bureau, & en presence des Sieurs Recteurs au mois de May dernier, n'ont point eu la pensee d'asseurer que la Theriaque de Lyon fust meilleure, ou du moins aussi bonne que celle qui est fidelement dispensée à Rome sans substitués, & elle s'y faiët à present fort peu sou-

Page. 9.
lign. 17.

pag. 10.
lign. 7.

nent, ouy frequemment à Venise. En la Preface ie fay mention de l'offence qu'il commet contre lesdits Docteurs assembles sur ce sujet. l'adiouste qu'il n'y a rien de plus picquant, ny de si effronté que ce discours: & bien plus de croire que lesdits Sieurs soyent si priués de iugement; qu'ils ne s'en offensent, n'ayans l'esprit de cognoistre la malice cachée sous vne figure du bien dire de Rhetorique. Ne sçait-il pas qu'en ceste assemblée lesdits Sieurs le huerent, & avec iuste sujet, lors qu'il dit fort haut pour estre mieux entendu, Que les vipères presentées n'estoient vrayes, ny legitimes, & que c'estoient serpents ordinaires, ne se ressouuenant qu'il les auoit auparauant approuuées, mesmes celles que i'ay exposé le renuer au public. Vray est qu'estant vn esprit *non sibi constans*, poussé par la passion d'autrui, il mit en auant vne These pour preuuer
non

non pas que les vipères presentées ne fussent vrayes, mais qu'elles n'auoient esté chassées en leur temps. A quoy fust suffisamment respondu par The-
ses & disputes publiques.

Il faut aussi remarquer le peu de respect qu'il porte à ses anciens, les appellans Pseudogalenistes, c'est à di-
re bastards ou faussaires de la doctri-
ne de Galen; toutesfois ceux qui co-
gnoissent Messieurs nos M. M. iuge-
ront assez qu'ils ont la conscience trop
bonne, pour estre appellés Herma-
phrodites de ce temps (ainsi qu'il faiét
au commencement de son Epistre) &
qu'ils entendent mieux Galen en
Grec, que luy ne faiét en Latin, &
mieux Latin qu'il ne faiét en François.

Bien que j'aye dit cy-dessus, que ie
ne desire parler qu'en Pharmacien, si
me veux-ie emanciper iusques là, que
de donner mon aduis sur ce qu'il me
semble qu'il n'entend pas bien l'encr-

gie de ce mot, *paradoxum*, veu que communément il est prins pour vne doctrine ou assertion, ou opinion qui est contraire à l'opinion commune de quelque chose; mais si son opinion n'est contraire qu'à l'advis de certains Pseudogalenistes, elle ne sera vn paradoxe, ouy bien s'il l'estimoit contraire à l'opinion commune des Galenistes. Que si cela n'est la vraye intelligence, ou explication de ce mot, *Paradoxum*, ie ne sçay comme il expliquera la difference de ces trois mots, mis au bas de ces Theses tant Pharmaceutiques, que Chirurgicales, soustenues en diuers temps à Lyon, *Affertions*, *Problemes*, *Paradoxes*. Toutefois puis que son sujet Paralelliste est vne chimere & fantesie pure, i'accorderay qu'on luy permette d'appeller son opinion *Paradoxe*, estant vne chose inouye & digne d'admiratiō, ou plustost de compassion, que nostre Paralelliste aye
faict

faiēt vn Liure, pour combattre l'aduis
de ses Collegues, auquel ils n'ont ia-
mais pensé.

Or pour donner intelligence à ceux
qui croiroient autrement, il fut agité
deux questions, après qu'il eut donné
son opinion, & moy. la mienne, pour
& au nom de tous les Maistres Apo-
ticaires mes Confreres.

La premiere, si les Vipères presen-
tees estoient bonnes pour les Tro-
chisques.

La seconde, si les Vipères de Rome
estoient meilleures pour lesdicts Tro-
chisques que celle de Lyon; & en suit-
te de discours l'on parla des herbes
de Candie, avec celles de Lyon.

Il fut dict par la Compagnie, & re-
solu, que les Vipères presées estoient
receuables pour faire lesdicts Tro-
chisques. Quant à l'autre demande, la
pluralité des voix porta, Que ce dif-
ferent seroit décidé dans le College,

les

les Sieurs Docteurs auparavant ad-
uertis pour y penser meurement ; &
que puis que l'on auoit employé cy-
deuant les simples Lyonnôis, & que le
temps estoit expiré pour en recouurer
d'autres, l'on passeroit outre à la con-
fection dudit Theriaque : se seruant
neantmoins de celles que l'on pour-
roit recouurer des Prouinces chau-
des, ou des endroits de nostre terroir
les plus chauds. Partant, le Paraleliste
doit à bon droict meriter le nō ; qu'il
attribuē mal à propos à ses anciens
Collegues , supposant faussement
l'ascendant que l'on a eu sur aucuns
de Messieurs les Recteurs, comme s'ils
estient personnes interessées au pré-
judice de ce à quoy ils sont portés de
zèle, & de charité. Il ne s'en faut élon-
ner, aussi dit-il qu'il a passé le rubicōd ;
mais de mesme qu'il dit, Que les oy-
seaux du Ciel, & les cōplaisans du sie-
cle ont deuoré sa semence respandue,

Pag. 9.

lig. 16.

Pag. 4.

il faut qu'il prenne garde, qu'estant sans respect & conduite, que ladiète semence n'engendre des fruiets, qui luy retomberont dessus, & qui luy en feront sauouer d'un goust tout rempli d'amertume, au prejudice de sa Profession, autant, ou voire plus honorable qu'il peut meriter.

Son premier Paradoxe contient deux partiës, la premiere est Paradoxe en effect, estant vn caprice contraire à l'aduis de tous les Docteurs collegiés à Lyon, ne s'y estant treuvé aucun qui ne les ayt approuué. Mesmes plusieurs Medecins & Apoticairez estrangers s'estants rencontrés lors que l'on preparoit les Trochisques de Vipères, les ont approuvés, ainsi comme il appert par les louanges que leur attribué vn tres-habile Apoticaire Bourguignon, par vn Traicté qu'il en a fait, avec vne Dedicace aux Apoticairez de Lyon, ayant remarqué, que cel-

les

les d'Italie, & de Poitiers n'estoient plus grasses ny mieux nourries. Il en emporta quelques douzaines; outre les Trochisques, pour vn Theriaque solennel qu'il prepara à Salins. 1300701
 La seconde partie semble ne deuoir estre appelée Paradoxe, ni seruir d'aide à ce faire; puis qu'elle ne contient rien de contraire au resultat du Collège des Medecins de Lyon, & ni des Maistres susdicts assemblés au mois de May dernier, dans l'Hôtel-Dieu. Ce qui fait eroire, que les opinions sont Pseudoparadoxes. 1300702

Pag. 11.

Je ne puis que ie n'accorde que ceste seconde opinion contenuë en son second Paradoxe soit tres-vraye, mais accompagnée d'une remeraire fallie contre l'aduis du College noqqe li 5. 1300703

Pag. 12.

Au troisieme, il fait euidentement voir sa malice, en ce que nul des Docteurs susnommés n'ont soustenu les herbes Lyonnoises estre meilleures, 1300704

ou du moins aussi bonnes que celles de Candie, qu'il ne s'en treuve en quelques endroits quelques vnes bones, & qui ne leur cedēt peu, ou point, nous ne le nions pas; partant, qu'il entende mieux l'energie du mot de Paradoxe.

Son quatrieme est tout rempli d'impostures, à son accoustumée: Je l'ay donné assez à entendre à Messieurs les Recteurs dans le Bureau, en sa presēce. Mais il faut voir de plus près & decouvrir sa doctrine veritable, ainsi qu'il la presume en son Paradoxe premier, où il veut bannir & exclurre, ingrat qu'il est, les biens que sa terre natale luy produit; s'efforçant de preuuer que les Viperes Lyonnoises ne sont de la qualite requise pour estre employees dans la Theriaque. Premièrement, dit-il, parce que les Viperes Lyonnoises ne se nourrissent point de Buprestes, Cantharides, chenilles

Pag. 12.

Paradoxe I.
pag. 13.

nilles de pin, & tous tels animaux
 qu'il s'imagine; d'autant que le terroir
 Lyonnois, ni le circonuoisin à quatre
 journées à la ronde ne produisent que
 peu, ou point de ces animaux. Il se sert
 de l'Auteur du Liure à Pison, ch. 10.
 pour faire voir la nullité d'icelles. Sur
 quoy il suffiroit de dire, que les do-
 ctes Medecins estiment le Liure de
Theriaca ad Pisonem, n'estre pas de Ga-
 len, & le releguent *inter spurios*. Mais
 disons, qu'il n'est pas necessaire que
 les Viperes se nourrissent desdicts ani-
 maux (ce que ie veux dire en passant,
 ayant que de faire voir leur nourriture
 Lyonnoise) ains suffiroit qu'elles
 se nourrissent d'herbes qui leur sont
 propres, & ne laisseroient pour cela
 d'estre aussi bones, que si elles se nour-
 rissoient d'insectes & veneneux ani-
 maux, voire, peut-estre, seroient-elles
 meilleures; car il est difficile à croire,
 qu'elles se nourrissent d'animaux ve-
 neneux

neneux, sans contracter quelque qualité maligne, s'il est vray ce qu'il allegue de Gal. lib. de simpl. medicam. que l'aliment augmente, ou diminüe la vertu des animaux : Et tout ainsi que le laiët de chevre, qui le fait de leur sang, deuient plus froid par l'vsage des herbes refrigeratiues, & le sang de bouc plus propre à briser la pierre, ou calcul, en se nourrissant des plantes aperitiues: Pourquoy est-ce, qu'en suite de son discours, on ne pourra conclurre, que le sang des Vipères sera plus veneneux, par l'vlage des animaux veneneux, & par consequēt leur chair, qui s'engendre du sang?

Les trois responcez qu'il allegue pag. 16.
17. contre son objection ne concluent point, ne pouuant tirer la premiere du texte exprés d'Aristote. Et si quelqu'un estime la chair des cailles, estourneaux & autres estre pernicieuse, lors qu'ils se nourrissent de quantité

d'hellebore, ciguë, & napellus, que dira-il? Quo si le lait de chevre nourri d'hellebore, & des Nourrices qui ont prins des medecaments laxatifs purgent les enfans, pourquoy est-ce que les animaux ne contracteront la qualité des venins qui leur seruent de nourriture? C'est vne belle affaire! qu'il faille que par necessité de Pharmacien ie parle en Philosophe, & que

Pag. 17.

en respondant à la seconde raison, touchant la double substance de l'aliment des Viperes allegué suiuant la subtilité de Baldus, Angelus, i'ose dire que ceste distinction du venin, d'auec la partie alimenteuse peut auoir lieu, eu egard à l'homme qui ne se nourrit de venins, mais au respect des Viperes, animaux veneneux selon luy, que dira-il? Et si ceste replique est vraye, il faut conjecturer que des animaux veneneux les Viperes font vn sang plus veneneux, s'ils en font vne bile plus veneneuse: tout ainsi que les

viandes bilieuses aux hommes bilieux engendrent plus d'excrements & de sang bilieux, que non pas vn pituiteux d'vn aliment phlegmatique. Et partant, il ne sera hors de raison de dire, suivant la force de sa doctrine, Que les Viperes se nourrissans de venins, elles contractent quelque qualité veneneuse, ainsi qu'il le dit peu apres de leurs tannieres, & n'en sont pourtant lezees, pour estre doüees de ceste propriété d'y resister: tout ainsi que les poules mangeans des Viperes & Serpents n'en reçoivent aucun detrimement, que de poser plustost leurs plumes, & d'estre plus maigres (ainsi que mes chats qui en mangerent trois douzaines, ou plus, dans la tour où ie les tenoy) & d'estre plus propres à guérir de la ladrerie, ou maladies de semblables especes, comme ie l'ay veu pratiquer à vne Dame de qualité. Ceste dispute (dira le bon-homme)

surpasse la cognoissance d'un Pharmacien, qui ne doit auoir que celle de preparer & mesler, il ne luy osterà celle d'eslire, ou choisir le bon d'avec le mauuais, ne fut-il que son naturel enclin plus à l'un qu'à l'autre.

Mais parce que j'ay allegué ce que dessus parlant au Paralelliste, & raisonnant *argumento ad hominem* non selon mon sentiment, ie respondray directement, & diray, Que les Viperes Lyonnoises se nourrissent d'animaux veneneux qui correspondent aux cantharides, buprestes, & chenilles de pin, à sçauoir des araignees, escarbots, crapauts, lézards, lézardelles, serpents, & autres, de mesmes que l'experience nous l'a fait voir tant de fois, soit à la chasse, ou dans nos boutiques. Contre cecy, à quoy sert *usus rationis magister*, & son babil, & ses suppositions. Ce n'est pas pourtant que pour recouurer lesdites Viperes meilleures, il soit, neces

necessaire qu'elles fussent nourries d'animaux veneneux, ainsi qu'il a esté dit cy dessus: ce que ie peux preuuer en ceste sorte: Les Vipères deuiennent meilleures par la nourriture de tels animaux, où c'est que la propriété qu'elles ont de separer le venin d'auec l'aliment s'augmente, ou qu'elles deuiennent plus charnues. L'experience nous faict voir que lors qu'elles ont des animaux veneneux dans le ventre., elles paroissent veritablement grosses, mais non si charnues, poulpes & nourries que celles qui en sont exemptes, au cōtraire plus extenuées. D'asseurer le premier, cela ne se peut: car premierement tels animaux pour l'ordinaire n'ont ceste faculté de resister aux venins. Et que cela fust, comment est ce que la faculté specifique des Viperes, distincte en espee des facultés des crapaurs, & semblables, en pourra estre fortifiée & augmentée?

Ne feroit-ce pas introduire vne confusion des especes en la production des choses, & asseurer contre la maxime commune des Philosophes, *Propria corrupti accidentia manere in subiecto*. Je ne veux philosopher si auant, mais dire seulement que la troisieme raison ne fait rien, pour dire que les Viperes ne deuiennent plus veneneuses se nourrissans d'animaux veneneux: moins encore que ne s'en nourrissans, elles soient moins bones, ce qui estoit en question: & si par le meslange des medicaments aromatiques, la chair des Viperes, presuppposé & non preuue veneneuse, deuenoit alexithere, il faudroit les y mesler avec leur venin, qui deuiendroit alexithere par le meslange des aromates. Et quelle nouvelle Philosophie, qu'une chose veneneuse ne se despoüille pas seulement de son venin, mais deuienne anti-venin, par le meslange des aromates, ie ne

ne croy pas qu'il treuve ceste doctri-
ne dans l'Authêur du Theriaque à Pi-
son, qui peut bien auoir escrit, que leur
chair perd son venin par tel meslan-
ge, mais non pas, qu'elle deuienne ale-
xithere. *ap. l'ap. ad. pison. c. 1. v. 1. c. 1. v. 1.*
Venons à la remarque faicte en la
seconde raison, où nostre Paralelliste
veut asseurer, selon l'Authêur de *Ther.*
ad Pison, qu'il faut que les Viperes por-
tent leurs despoüilles auant qu'estre
admises dans le Theriaque, d'autant
que se sont reliquats d'une qualité
maligne, contractee durant le temps
qu'elles ont demeuré dans leurs tan-
nieres. Ce qui me faict encor douter,
veu ceste raison, que le liure de *Theria.*
ad Pison. ne soit faussement attribué
à Galen, parce qu'il ne semble qu'il
faut iuger de mesmes des despoüilles
Printannieres; que des Automnales:
aussi ne sont-ce que furcuis & epide-
mes d'icolles. Sauf meilleur iugement,

ie n'ay encor ſceu qu'aucun aye ſouſtenu que leur deſpoüille Automnale ſoit reliquat de leurs qualités malignes. Que ſ'il eſt vray que les Viperes augmentent dans leurs tannieres leur qualité maligne, à cauſe qu'elles abondent plus en excréments, & que leur grand venin ne ſ'exhale, à raiſon du froid, il ſ'enſuit que leurs deſpoüilles Automnales ne ſont pas vn reliquat de leur qualité maligne procedant de leur venin, lequel durant la chaleur de l'Eſté ſ'exhale. Si d'óc ces deſpoüilles Automnales ne ſont effets de leur venin, pourquoy eſt-ce que les Printannieres le ſeront? Deſireux pourtant d'apprendre, ie demande à Monſieur le Docteur Paralelliſte, comme ſe peut-il faire que les deſpoüilles Printannieres ſoient reliquats de la qualité maligne, puis que (ſelon ſon aduis) la partie veneneuſe des alimēts de la Vipere eſt ietté dans le fiel, & de là

là aux genciues, & la partie alimentaire est conuertie en leur substance? Or est-il, que leurs despoüilles sont reliquats de la partie alimentaire, assimilée en leur chair & peau principalement, & non pas de la partie vénéneuse. Il est donc hors de propos de dire, que le cuir estant vn emonctoire de tout le corps, les Viperes y pourrônt decharger leur venin duquel leurs despoüilles seront produites. I'aduoue bien qu'aux hommes la nature purifiant les parties, y iette bien souuent toutes sortes de mauuaises humeurs: mais pourtant ie n'ay ençor ouy dire à aucun Medecin, que de ces humeurs s'engendre le surcuir. Et quand ainsi seroit, cela ne peut estre admis aux Viperes, qui ont vn conduit pour decharger leur venin aux genciues, non au cuir? I'atten la solution de ce doute, que j'ay mis en auant pour m'esclaircir, & me rendre plus sçauant en

la cognoissance des Viperes. Je l'appuyera y encor sur l'opinion de Mercurial, au Traité des venins, où il dit, Que les Viperes sont plus froides en Hyuer qu'en Esté, partant elles acquierent moins de venin dans leurs tanières, & leurs despoüilles Printanieres ne seront reliquats d'vne plus grande qualité maligne. Si tuot ob I'estime qu'il faut chercher quelque autre raison, pourquoy il faut attendre que les Viperes ayent jetté leurs despoüilles, ou c'est vn erreur de l'Authéur *De Ther. ad Pison*. sauf l'aduis des Docteurs Medecins. Combien de fois dans ma boutique a-on veu despoüiller des Viperes, changer de couleur après la despoüille, & esclorre les peçits dans leurs tuniquez? Nouissimè ceste année, au mois d'Avril, en présence de Messieurs Sarrazin, & De la Moniere, & de quelques Maistres Apoticairez, on a veu quantité de Viperes

peres en la boutique du Sieur de Clercy; desquelles plusieurs jettoient encor le reste de leurs despoüilles. Et à la fin de Septembre, & commencement d'Octobre, année presente, Sieur Jean Moze faisant voir des Viperes à Messieurs De la Clostre, & De la Moniere, on a remarqué y en auoir quelques vnes qui posoient le reliquat de leurs despoüilles. L'en ay eu qui se glissoient dans des fentes & trous des caisses, & des tannieres terrassées faictes exprés dans la tour de mon habitation, pour les quitter Les Sieurs de Clercy, Bissallard, & Viau!, & autres Maistres de ceste ville attesteront d'en auoir veu de mesme n'aguieres, comme autresfois dans leur boutique. Partant, il fera faux de dire, que les Viperes Lyonoises soient si tardiues à poser leurs despoüilles, qu'elles ne se deucstent d'une seconde, puisque l'experience le fait voir. Voylà que c'est, de suivre
son

son caprice. Et que faut-il dire après cela, sinõ au Sieur Docteur Critique, qu'auec Aristote, *Dimittere sensus, & confugere ad rationes, non est Sapientis*. C'est à dire, selon vne modeste interpretation, *Non est Philosophi, seu sapientiam amantis*. A Dieu ne plaise pourtāt que ie l'injurie, bien qu'il le merite, veu que ce n'est le propre d'un bon Philosophe, de dementir & aduoüer Aristote sur vn mesme sujet; ce qu'il fait icy en moins de vingt lignes.

Les Viperes Lyonnoises sont, ou serpens, ou Vipères; si serpens, elles posent deux fois l'année leurs despouilles, selon Aristote par luy cité. Si elles sont vrayes Viperes, elles poseront leurs despouilles deux fois l'année, comme les autres serpens, selon Aristote; ou bien elles ne serōt ni Vipères ni serpens. Qu'il s'accorde dōc avec Aristote, ou avec luy-mesme, lors qu'estant au mois de May der-

nier

nier dans l'Hostel-Dieu, il dit que les Viperes presentees (neantmoins legitimes) n'estoient que simples serpents.

Le docte Syluaticus estoit grand Pag. 19.
 personnage, neantmoins la raison qu'il donne pour soustenir le dire de l'Autheur à Pison, semble n'auoir assez de force; ce, qui ne me peut empescher de dire, que ce liure *de Ther. ad Pison* (ainsi comme i'ay desia dict) ne soit pas de Gal. Et comme se peut-il faire que les Viperes, qui ne se nourrissent d'aucun alimēt à elles propres deuiennent plus excrementeuses dās leurs tάνieres, que hors d'icelles. Il ne sert rien de dire, que demeurant plus longuement dās les lieux sousterrains à cause du froid, leur grand venin ne se peut exhaler: d'autant qu'il n'est necessaire que leur venin s'exhale, puis qu'il y a vn conduit destiné pour son euacuation, & qu'il est croyable que les Viperes craignans le froid
 gran.

grandement, entrent si avant dans leurs tannieres, qu'elles rencontrent les lieux chauds fousterrains, où estats elles se purifient plustost de leur venin: car ayants ceste propriété de resister au venin, & leur chaleur n'estant occupee à la digestion des aliments, pourquoy est-ce qu'elle n'agira sur le venin, & rendra son sang plus pur & exempt d'iceluy, & sa chair meilleure se nourrissant dans sa tanniere d'un sang plus pur? D'estimer que leur chaleur naturelle soit oysive durant leur sejour fousterrain, cela ne se peut. Il faut qu'elle agisse plus, ou moins, selon sa force, estant proche d'un sujet susceptible d'alteration, selon mon petit iugement, que i'ose sousmettre à celuy de Monsieur le Docteur, qui est, ou doit estre bon Philosophe, & non moy qui n'y suis obligé par l'exercice de mon Art. Pleust à Dieu que ie le fusse, ie feroiy bien quelque chose de
meil

meilleur que luy. Je m'occuperoÿ à
 esclarcir les difficultés qui sont en
 l'election, preparation, & mixtion des
 Viperes, plustost qu'à censurer & taf-
 chet à diffamer les gens de bien.

Il me semble que dans mes parti-
 culieres curiositez, i'ay leu en quelque
 endroit des œuures d'Aristote, que les
 Viperes demeurent cachees quatre
 mois sous terre, lesquels (saut meilleur
 aduis) commencent enuiron la fin du
 second mois d'Automne, & finissent
 au commencement du mois de Mars,
 si bien que cela estant, i'ay sujet de
 douter que le Liure *ad Pison*. soit de
 Gal. veu que si elles demeurent qua-
 tre mois, elles ne sortent pas plustost
 vne annee, & plus tard en vne autre.
 aussi on les treuve au commencement
 de Mars, en plain iour, tant soit peu
 que le Soleil soit picquant. Bien est
 vray qu'au plustost il faiet chaud,
 d'autant plustost elles s'esgarent, &
 s'esgayent

s'esgayent par la campagne, sur tout pour iouyr de l'air, & chercher leur pasture, & reuenir apres dans leurs tannieres, comme souuent on l'a remarqué, mesmes le Sieur Guillaume Bugnet Maistre Apoticaire, tres-expert en cét exercice qu'en sa profession. La premiere fois que i'en presentay au College des Medecins enuiron dix douzaines de tres-belles Lyonnoises, ou plustost Dauphinoises, ce fust enuiron la fin de Mars, de l'an 1618. Si bien qu'il faut aduoüer qu'en nos terroirs les Viperes sortent aussi tost de leurs tannieres, qu'en celuy de Rome, ou d'ailleurs. Vray est que d'abord plus librement elles s'esgayent en vn lieu plus chaud, qu'en vn autre. Donc à faux le Paracelliste veut conclurre icy, que les Viperes Lyonnoises, comme participantes de plus grande malignité, ne sont receuables pour estre admises au Theriaque

que. Je dy qu'il veut conclurre, car si l'on examine bien son dire, on iugera qu'il conclud les Viperes Romaines n'estre receuables, en disant que les Lyonnoises participantes de quelque malignité (il ne dit pas plus grande) ne sont pas receuables : d'où ie peux former cest argument, avec sa permission.

Les Viperes qui ont quelque qualité maligne ne sont receuables pour faire la Theriaque. Les Viperes Romaines participent de quelque qualité maligne : autrement ce seroit à faux qu'elles tiendroient le milieu entre les deux extremes selon Androm. & Gal. allegués par luy. Doncques les Viperes Romaines ne sont receuables pour faire la Theriaque. Ce n'est rien que d'appeller les Viperes Romaines moins veneneuses que les Lyonnoises, du moins à comparaison, (ce que ie desire monstrier cy-apres

estre faux) car cela ne peut estre , les Vipères Lyonnoises estans (selon luy en la cinquieme raison) d'autre espeece que les Romaines : il faut qu'elles soyent ou serpents, ou basilics, ou autres. Il n'a si peu de capacité, d'admettre qu'elles soient basilics : & il n'en a pas assez (*pate eius dixerim*) pour faire voir qu'elles sont sous quelque autre espeece d'insectes, cognues des anciens, pour estre plus veneneuses que les Vipères : Ou bien il aura treuvé vne autre espeece d'insectes & serpents. Que s'il le faict avec fortes raisons & demonstrations , tous les Medecins du siecle & la posterité luy en seront grandement redevables. Mais ie veux bien tost faire voir par luy-mesmes, que les Vipères Romaines sont plus veneneuses que les Lyonnoises : partant puis que nos Vipères ne sont ny basilics , ny autres serpents plus veneneux que les Vipères Romaines , co-

gnues

gnues des anciẽs, il faut qu'elles soient
serpents communs : ainsi qu'il le dit
au mois de May dernier dans l'Ho-
stel-Dieu, & par ainsi moins venencu-
ses que les Viperes Romaines.

Il faut que ie rapporte encores deux
autres raisõs que j'ay pour douter si le
liure *de Ther. ad Pison.* est de Galen, par ^{pag. 10.}
ce qu'il ne marque pas au chap. 10. ci-
té par le Paralelliste, le temps que doi-
uent demeurer les Viperes dans leurs
cauernes, ce qu'il n'ignoroit aucune-
ment, pour estre tres-sçauant en la
Philosophie Peripatetique : & comme
en plusieurs endroits de ses œuures,
principalement au liure *De placitis*
Hippocratis, & Platonis, Galen refute
Aristote, il n'eust manqué de refuter
son opinion touchant le temps du se-
jour des Viperes dans leurs maison-
nettes hyemales, s'il auoit composé
ce liure ; ou du moins il eust dit com-
bien de temps elles y demeurent.

La seconde raison est prise de ce qu'Andromachus au ch. 8. de *Ther. ad Pison* confesse d'avoir choisi les Viperes, par ce qu'elles sont mediocrement veneneuses, moins que les basilics, plus que les serpens; comme si les Viperes y estoient mises, comme veneneuses: veu qu'après luy nous faisons tout, ce que nous pouvons pour oster leur venin, en leur coupant la teste, ostant les entrailles, separant la queue, comme inutile, les lauans fort bien; & est tres-assuré, que si la chair des Viperes estoit veneneuse, on ne la mettroit dans le Theriaque: D'auantage, le venin viperin y seroit inutile, voire nuisible; inutile, n'ayant aucune force de resister aux morsures des animaux veneneux; nuisible, parce qu'il infecteroit les ingredients de la Theriaque.

La raison de Curtin cy-dessus allegué & impugné ne seruira de rien,

si bien que sans raison est escript audit
 liure (ainsi que le Paralleliste rapor-
 te) qu'Andromachus lors qu'il a mis es-
 lé quelque venin dans la composition
 du Theriaque, a choisi vn. qui tient le
 milieu entre les deux extremes. Il de-
 uoit employer le temps à rechercher
 la vraye raison pour laquelle Andro-
 machus a mis la chair des Vipères, &
 non celle des autres serpens; & ne se
 fier pas à l'Authent *de Theriaca ad Pil-
 son*. dans lequel, peut estre, il ne ten-
 uera ceste raison entiere, comme il l'a
 asseuree en son Parallele. Il faut assou-
 rément dire, qu'il a recognu leur ver-
 tu plus grande à resister aux qualités
 malignes, & venins, que les autres.
 Mais, quelle raison valable, & expe-
 rience en rapporte-il, & où Galen l'a
 laissé par escript? Bien que ie ne soys
 qu'Apoticaire, & non Medecin, ma
 Profession ne m'adstraignant de lire
 Galen, joint que ma capacité ne le

pèrmet; si est-ce que ma curiosité m'y a porté quelquefois.

Pag. 10. En la quatrieme raison, il y a vne repugnance à l'experience; car nous auons de tres-belles & bonnes Viperes, qui ne cedent en rien à celles qui naissent en Italie, ainsi que tout le College a recognu, par les marques qu'elles possèdent; & qui sans doute ont esté cy-deuant bien cogneuës par le D: Symphor. Campese; mais, par malheur, à cause de la rareté de ses escripts, depuis luy incognuës en ce Pays, jusques à nous. Voyons comme il parle: *Nos autem asserimus, & in Gallia ipsa Narbonnensi reperiri plurimas Viperas, quæ in Theriaca reponi jure possunt.*

Libel. de Theriaca Gall. cap. 2. Quant à nous, nous asseurôs que l'on trouue plusieurs Vipercs dans la Gaule Narbonnoise (sous laquelle nous comprenons le pays du Dauphiné, suiuant l'opinion commune des bons Autheurs) qui meritoirement se peuvent

uent mettre dans le Theriaque.

De la cinquieme raison ie tire deux Pag. 21.
consequences , ou propositions du
tout contraires à son opinion. La pre-
miere que les Viperes Romaines sont
plus veneneuses que les Lyonnoises.
La seconde, que les viperes Romaines
sont de diuerse espece ; & les viperes
qui produisent de plus facheux acci-
dents, sont plus veneneuses. Voylà
pourquoy les males (selon luy) sont
plus veneneux que les femelles ; & les
vns & les autres plus veneneux en Esté
qu'au Printemps & Automne. Or est-
il que les Viperes Romaines produi-
sent des effects plus facheux que les
Lyonnoises , sçauoir vne fois inextin-
guible , par toute sorte d'hydropisie:
donques les viperes Romaines ne sôt
pas plus veneneuses que les Lyonnoi-
ses. Voylà la preuue de la premiere
consequence Celle de la seconde n'est
pas plus difficile. Les viperes qui sont

de mesme espeece produisent de mesmes effects , & semblables accidents: mais les viperes Romaines à jeun , & en Esté , produisent des effects plus grâds qu'au Printemps , & après auoir repeu, & maché des viandes.

Mercurialis cité dit , que les miasmes causent des accidets plus fascheux que les femelles ; les vns & les autres en vn corps pituiteux produisent l'assoupissement, au bilieux l'icteritis, qui sont accidents diuers, & non de mesme nature: Doncques, les viperes Romaines entre elles sont de diuerses espees ; & par la mesme raison , vne mesme vipere sera de deux espees, pouuant faire diuers effects, selon la diuersité des sujets, le temps & l'heure de la morsure. l'ay ja dit, & le repete, que si i'estoy bon Philosophe , ie feroiy voir par les regles & maximes de la Logique, que le cinquieme argument, ou raison, est vn pur Sophisme.

me : mais ma plume ne se peut estendre si auant. (Ioint que quelques-uns estiment , que les Apoticaire n'ont de la doctrine pour parler pertinemment , & mesmes pour faire responce au Paralelliste, comme s'ils n'estoient capables de ce faire , ou faire des Docteurs. *Transcat.*) Je ne lairray de dire , que j'ay remarqué que nos Viperes n'apportent vne aussi grande soif que celle que Galien remarque , au liure des simples ; cité ; mais qu'elles n'en apportent du tout point , cela est faux : car elles causent la fièvre accompagnée d'alteration , plus ou moins grande , selon la disposition du sujet blessé de leurs morsures ; & si le malade en doit mourir , la soif est extreme , & la langue grandement seche & aride. Ce qui a esté obserué en vn vicillard , l'un des premiers chasseurs de viperes en ce pays , qui a esté mordu par trois

fois, & en fin mort, avec extreme alteration, & resverie, qui se rendit en assoupissement; ce que ie tiens de Monsieur De la Moniere Docteur Medecin, & digne de croyance, lors qu'il estoit Medecin des Hospitaux de Lyon. Ne faut pour cela conclurre, que les Viperes Lyonnoises, pour ne causer la soif si estrange que les Romaines, soient de diuerses especes. Telle soif n'est pas vn accident inseparable de la morsure des Viperes; & quand il le seroit, son allegation seroit nulle, car *Plus est minus, non mutant speciem*. Si ce deuot Religieux (ie croy qu'il veut parler du Frere Apoticaire du Grand College des R. R. P. P. Iesuites) n'a eu ceste alteration, c'est qu'il eut secours de bonne heure, aussi tost mordu, aussi tost secouru. C'est ce que peuuent attester les Sieurs de la Clostre, & de Rhodes Docteurs Medecins, & Viaud Maistre Apoticaire

caire

caire Iuré. Si j'ay bonne memoire,
il me souvient qu'ils dirent que d'a-
bord il eust des vomissemens & des
resserremens de cœur, comme s'il eust
esté entre deux fers chauds, & qu'il
auoit soif, les levres fort enflées & dif-
formes. Ce n'a pas esté d'un vipere
Romain, mais d'un Lyonnois. Et pour
confirmer nos trochiscs preparés des
viperes Lyonnoises, ou Dauphinoises,
croit-il que Messieurs les Chancelier
& Professeurs de la fameuse Vniuersi-
té de Montpellier ne soient plus sains
d'esprit que luy, pour les appreuuer,
ou desappreuuer. Ignore-il qu'ils n'en
ayent recherché les raisons, de mesme
que ceux d'Auignon, Prouéce, & Gas-
cogne, voire iusques à Paris: où le
Sieur de Clercy vn des Iurés en a en-
uoyé ces iours passés, qui ont esté ap-
preués, & tres-bien receus, & les mes-
mes effets & accidents recognus qu'à
celles qu'il indique, sans les auoir ia-
mais

mais veuës, que par ouy dire. Ne ſçait-il que le climat de Lyon & de Poitiers ſont en meſme degré, & que celui de Rome & de Malthe ſont au quarantecinq.

Il n'eſt point queſtion d'arguenter, ny paradoxer icy, pour luy mettre en auant des Histoires au lieu de fables. Qu'il ſçache (*expertus Robertus poteſt vera narrare.*) que moy eſtant à Rome en mon Printemps, y conduit par feu Monſieur de Noyelles fameux Apoticaire, & qui a préparé tres-artiſtement la Theriaque pluſieurs fois, & dès l'année 88. m'ayant mis dans vne tres-bonne boutique d'un Maître de Nation Lyonnoïſe, s'entend du Gouuernement: comme il preparoit des trochiſques & la Theriaque, qui ne s'y prepare guieres plus comme à Veniſe. Le iour donc d'exécution de quelques douzaines de Viperes, vn mien compagnon Pariſien

En l'année
1600.

VOU

voulant se iouër d'une vipere (feu Mr. Guignard estant present) fut surpris, piqué & mordu, au metacarpe proche le poulce, ce fut à auoir recours au Theriaque, & de plus au feu & au fer.

Il n'en arriua moins d'une teste coupee dans ma boutique à vn ieune homme à moy remis par le Sieur Potot Maistre Chirurgien Iuré de ceste ville, lequel souffrit quelques accidens, & en guerit ayant pris du Theriaque auant que d'aller chez ledit Sieur Potot pour y estre pensé.

Ce qui est plus remarquable encor, en vn seruiteur Lorrain nommé Thiriet, asses cognu de plusieurs en ceste ville, pour auoir demeuré deux ans dans ma boutique, il fut curieux de sçauoir si vn vipere mort, & gardé depuis huiet iours, auroit ses dents. Il luy ouure la gorge, & passant le doigt index dessus la dent, fut piqué simple-

ment

ment, piqueure qui fut fuiuite de tous les accidents ordinaires, dont il fust mort dans sept heures, n'eust esté les remedes de mon Theriaque, & le bouton de feu qui luy fut appliqué chez le Sieur Feret Maistre Chirurgien. Il se croyoit auparauant estre à l'extremité de sa vie, & ne demandoit qu'à se confesser, cōme il fist au R. Pere Prieur des Carmes Deschaussez, qui attesteroit de tout, s'il en estoit besoin.

Vn defunct Archer boiteux ressentit certainement tous les effets que les Autheurs assignent à la vipere. Piqué d'une, soudain sucça sa piqueure, & deuint enflé & eschauffé à l'extreme. On eust recours à feu Maistre Cheurier, ancien & tres-bon Apoticaire, qui le secourut avec la Theriaque de Lyon, & le guerit : Je ne me souuiens pas quel Medecin fut appelé, ouy que feu Maistre Begule Chirurgien luré l'assista.

J'ay parlé cy-dessus de Maistre de Noyelles, ie diray encores de luy ce qu'il a asseuré au Sieur Antoine Colin l'un de nos anciens Jurés, que se rencontrant dans la Toscane, vn pauvre homme mordu & piqué d'une vipere, fust secouru & promptement guerry par l'usage & application de son Theriaque faict à Lyon, qu'il portoit avec luy pour son usage particulier.

Il ne faut de plus asseurees marques de la bonté de nostre Theriaque, que l'espreuve faicte en vn de mes Chasseurs, qui fut malade à l'Hostel-Dieu de ceste ville, piqué d'une vipere, & à l'instant saisi de tant d'accidents que tout ce qu'il peut faire, fut de s'appliquer vne vipere pestrie (suiuant la creance) sur sa playe; neantmoins il salut auoir d'autres remedes, & sur tout du Theriaque, par le moyen duquel il guerit. Son gendre aussi piqué n'eust ce bon-heur: car il en mourut

à Bourgoïn. Pour la difference des piqueures des serpents, ie rapporte qu'un sien compagnon piqué d'un serpent ordinaire, ne ressentit que les accidents à la partie, avec douleur tres-grande, & fièvre continue, dont il guerit avec vne prise de Theriaque qu'il portoit sur luy.

Pour preuue encore de la vertu & des effets qu'ont les Viperes Lyonnoises, ie diray ce que j'ay remarqué & pratiqué par l'ordonnance de feu Monsieur Bugnet, fameux Medecin, & tres-bien merité du public, qu'est le bouillon d'une Vipere preparee selon l'Art, puis l'espace de vingt iours, dont un Gentil-homme Dauphinois aagé de cinquâtesix ans, guerit d'une vieille morphee, tendant à laderie, luy ayant faict changer de peau, en perdant vne cômme escailles très-delices.

Vn Maistre Esguillier nommé Lifier, demeurant en rue Merciere, il y a
cnuiron

environ huit années, que se iouïant par mespris d'un Vipere Lyonnais, fust mordu & piqué proche l'espaule. Pour remede il prend d'une certaine poudre par luy composee, laquelle il vantoit (au temps de la plus grande affliction de peste en ceste ville) estre preseruatiue de contagion pour trois mois, voire six, & remede tres-efficace pour la guerison. Trop plus de personnes qui en acheterent un escu d'or la prise en ont faict l'experience tres-funeste pour eux. Et luy alors de sa blesseure, dont il eust couru hazard de sa vie (comme il fist tout à faict par la peste) s'il n'eust obserué l'ordonnance de feu Monsieur Fournier decedé, Doyen du College des Medecins de ceste ville, qui estoit l'usage frequent du Theriaque Lyonnais, & appliqué sur la scarification.

Vn nommé Des-Combes (signalé Salt-imbrique) lors que le Roy estoit

en Languedoc en l'année 1622. desir-
 reux de voir quelque nombre de Vi-
 peres dans vne caisse, & les voulant
 traiter, comme il estoit coustumier
 sur le theatre, fut piqué, & mordu au
 poulce droit, dont plusieurs sympto-
 mes s'ensuiuirent iusques à vne en-
 fleur tres grâde des testicules. Ayant
 recours à son Oruietan il n'y treuua
 non plus d'effect qu'à Tours, quand il
 voulut manger du sublimé. S'il n'eust
 vsé des remedes ordinaires & de la
 vraye methode pour telle guerison,
 certainement il eust receu le salaire
 deu à sa temerité. Il ne peut empes-
 cher pourtant qu'il ne pelat par tout
 le corps; ce qui a esté remarqué par
 le Sieur Iaques Verdan Maistre Iuré
 en ceste ville. Ledit Des-Combes eust
 suby mesme accident en ceste ville,
 n'eust esté le secours que nous luy ap-
 portasmes par la Theriaque de l'an-
 nec 1619. & autres remedes iugés pro-
 pres

pres. Feu M^{on}seigneur le Duc de Nemours desira voir ceste cure en ma boutique. Quelques iours apres sa conualescence, il voulut faire vn autre essay. Pource il fist porter les mesmes Viperes chez la Reyné, logee à l'Archeuesché, & en presence de Monsieur Ribete Medecin pour lors de sa Majesté, & de Monsieur Dance son Apoticaire, moy y estant aussi avec quelques amis, il auoit faict disposer vn drole de valet bien preparé soit par l'Antidote, soit par munition de gueule, & le fist mordre à vne vipere en la partie senestre au dessus du cœur, iusques au sang, & ce par vne femelle, qui y imprima ses quatre d^{es}ts. Le galant voulant faindre tombast en sincope, & eust beau prendre son Oruietan, sans nostre Theriaque, il pouuoit bien dire *bona notte*.

Vn nommé Bacoart Vigneron, & Chasseur de Viperes, natif en Dauphi-

né, fut blessé à la main droite, & prudemment il eust tost recours aux remedes qui luy furent administrés tres à propos, & n'eust que la Theriaque, tant interieurement, qu'exterieurement, avec la scarification.

Ceste-cy est plaisante, faicte à Poitiers, attestee par Sieur Iean Moze vn de nos Maistres, qui en eust le plaisir, & par le recit qu'en a faict celuy duquel il s'agit, qui est encores viuant. Il se nomme Louys Pic, Chasseur tres-expert de Viperes dans Poitiers. Estât traité extraordinairement en vn dîner avec des Escoliers en Medecine François & Allemands, il beut abondamment. Bien nourry qu'il fust, & toutesbaudy, voulut boire accompagné de trois Viperes dans vn verre plein de vin. Ces Viperes crainte d'estre noyees, ou enseuelies dans ce corps, chercherent leur seurté, & s'attachent au né de ce Louys Pic. S'il y eust

eust de la tragicomedie , c'est sans doute, car comme il fut question de recourir aux remedes, on se treuua bien empesché. L'on luy fit aualer promptement du Theriaque de Poitiers, fort enflé & bouffy qu'il estoit. Sa femme venue au secours, le fit porter dans son logis, où on luy fist boire vn verre de vin, dans lequel auoient bouilly deux de nos simples, non de Crete, ains du territoire mesme, dont il fut guery, & rendu aussi disposé qu'auparauant.

Mais quittons vn peu nos histoires, & venons à la sixieme raison, par laquelle il semble peruertir le sens du texte d'Aristote, pour luy faire lire ce qu'il n'a iamais pensé, & pour tesmoigner sa malice & l'enuie qu'il a de detracter de son prochain. Il retourne au recit de Mercurial, car ie n'ay veu Aristote, l'enuie que i'ay eu de respondre tost à ce Paralelliste, pour empesch-

Pag. 21.

cher que son venin ne se glisse dans l'ame des plus foibles esprits, ne m'a permis le feuilletter, non plus que d'autres liures qui m'auroientourny beaucoup plus dequoy faire cognoistre ses erreurs: Mercurial dit, *Cæteri serpentes hyeme latent in terra, vipera autem in saxis*: Les autres serpents en Hyuer se cachent dans la terre, & les Viperes parmy les pierres, & dans les rochers: mais luy dit simplement, les Viperes se treuuent dans les creux des rochers, & les serpents sous la terre, sans faire mention de l'Hyuer. Il faut bien qu'au Printemps, Esté & Automne, que l'on chasse aux Viperes, qu'on les treuve aux lieux où elles sont pour repaistre de iour. Ce n'est tousiours dans les rochers où elles habitent, ainsi qu'ont obserué ceux qui les chassent, & moy plusieurs fois, tant en Italic qu'en ce pays. Vn de mes fils, de ma Profession, curieux de ceste

chasse

chasse à Poitiers n'aguieres, l'a aussi remarqué.

Mais voyons son imposture, assu- pag. 12.
rant que les œufs des Viperes Romaines, non pas de celles de ce pays, sont rangés dans leur corps l'un apres l'autre, à la façon des grains de chapelets, enfilez en un cordon. Ceste seule fau-
ceté est capable de porter Messieurs les Magistrats d'ordonner la suppression de son liure. Peut-estre que comme il n'a pas esté à Rome, il n'a pas observé en quelle façon sont rangés les œufs dans le ventre des Viperes de ce pays là. Il doit donc estre renvoyé à l'experience. Que s'il l'a observé, il merite punition, comme imposteur, ou du moins un bon desaduëu du College de Messieurs les Medecins Lyonnois.

Lors que Gal. au liure de *medicina* Pag. 23
facile parabilibus, dit, Que la teste de la Vipere escrasce sur sa blesseure la

guérit, il ne le faut pas entendre si cruëment comme fait le Paralellifte, d'autant qu'il s'ensuiuroit que personne ne mourroit de la morsure des Viperes, qui se seruiroit d'une Vipere escrasee. L'experience n'a encor faict voir, ny icy, non plus qu'à Rome, vne si grande energie en la teste des Viperes. Que si elle a tant de force pour resister au venin, pourquoy est-ce que l'on ne la prepare en l'escrasant, & contondant de telle façon qu'elle soit reduite en paste, pour estre facilement meslee avec les autres ingredients du Theriaque? Cela me faict croire qu'elle n'a pas tant de vertu qu'il estime. Aussi Galen disant qu'elle guérit la morsure, a voulu dire qu'elle sert à la guerir, ainsi que nous auons remarqué aux histoires cy-dessus, pourueu que l'on y fasse les autres remedes. Et ainsi nous respondons à l'autorité du liure de *Ther. ad Pison*. duquel nous

pre

prenons encor sujet de douter s'il est
 enfant legitime de Gal. en ce que la
 chair de Vipere appliquee sur sa mor-
 sure ne la guerit à l'instar & maniere
 du Scorpion escrasé sur sa piqueure,
 sçauoir seuls, sans fascheux accidents
 & danger de mort, car il faut auoir re-
 cours aux autres remedes, & qui ne le
 voudra croire en fasse l'experience
 bon il treuuera ce dire veritable. Je ne
 nie point que les Viperes ne soient
 vtiles pour guerir la lepre en son com-
 mencement, ainsi que nous l'auons
 experimenté, & cy deuant remarqué:
 mais la raison qu'il allegue me fait
 soupçonner qu'il ne cite pas bien Ga-
 len, ou peut-estre le passage est cor-
 rompu de l'onzieme de la faculté des
 simples medicaments, ch. 2. car cōme
 se peut il faire que les Viperes, à cause
 de leur faculté dessicative, guerissēt la
 lepre, qui est vne affection atrabilaire,
 chaude & seiche & *veluti cancer vni-*

uersalis non ulceratus? Le moyen encor de la confirmation, ou preuue de telle faculté des Viperes, m'induit d'auantage à le croire : car si ie coniecture bien, il entend parler de la chair des Viperes, laquelle estant froide & humide de soy, selon Mercurial, ne pouuoit communiquer vne faculté dessiccative au vin dans lequel vne Vipere auoit esté suffoquee, & en si peu de tēps qu'il faut pour la suffoquer. Quelle vertu pouuoit tirer le vin de la chair des Viperes entieres non escorchees?

Ayant faiēt voir le peu de valeur & fauceté de ses raisons qui ne sont que Sophismes, nous conclurrōs, Que les Viperes Lyōnoises ont le mesme effet que les Romaines. Ce qui a obligé le College de M^{rs}. les Medecins de Lion, apres vne exacte & curieuse recherche de les appreuuer, il y a lōgues années, cōme vriles & propres pour estre employees dans la composition du Theriaque

riague préparé pour le service de sa Majesté. Mais il est si malicieux, que pour combattre la verité, & nuire aux personnes bien meritees du Public, il se jette de la fausseté de ses raisons d'as-
 vne imposture & effronterie insigne & indigne d'un homme qui se dit Me-
 decin charitable. Il assure contre sa conscience, que l'Approbation du Col-
 lege n'a pas esté faite iuridiquemēt, pag. 14.
 ains par surprise, ayant esté mendiee de porte en porte chez quelques par-
 ticuliers, les Medecins n'en ayans ia-
 mais ensemblément deliberé. Qu'il rappelle sa memoire, s'il n'estoit pas
 environ le 20. Mars, avant midy, dans
 la sale de la maison où ie fay mon ha-
 bitation & tiens boutique, en l'assem-
 blee de Mrs. les Medecins iusques au
 nôbre d'onze, luy pour douzieme, qui
 vaut autant que le 13. Leur Approba-
 tion est inferée cy dernier pour estre
 reueuë en sa mesme forme & teneur,
 &

& meſme datte. Il y fut reſolu que les Viperes preſentees eſtoient bonnes & receuables, & quoy que nous fuſſiõs au commencement du Printemps qu'elles n'eſtoient moins bonnes, veu que la fin de l'Hyuer auoit eſté fort temperée. Il eſt vray que Monſieur de la Cloſtre, tout ſeul, s'oppoſa à leur réception, eſtimant avec deux ou trois de nos Maîtres Apoticaireſ, qu'elles auoient eſté trop toſt chaſſées; ne diſant paſ quoy les Viperes Lyonnoïſes ne ſoient bonnes pour la compoſition du Theriaque. Auſſi depuis ce temps-là il n'a refusé d'aſſiſter à la fabrication des trochiſques viperins préparés par leſdits Maîtres oppoſans, ayant appoſé le ſeau du College, aux Approbations, eſtant 7. ou 8. années Procureur dudit College, & honorable Compagnie, lors que tant leſdits Maîtres que les autres ſe ſont donné l'honneur de l'y conuier pour

y assister, ainsi que les autres Messieurs Docteurs. Je m'inscris en faux contre la pretendue doute du Certificat des Medecins soubsignés, disant Qu'au Pag. 15. 15. Avril 1619. se celebroit la solemnité de Pasques, si bien que pour la reuerence de la feste, le College ne s'assembra. Pour moy i'estime qu'il estoit lors en son humeur atrabilaire, ou sans memoire & iugement de mentir si impudemment, car la feste de Pasques estoit en l'annee 1619. le 31. Mars. Qu'on reuoye les Calédriers. Et apres croyés à ce critique Medecin, ou plustost satyrique Docteur, quand il dit qu'il n'a pû permettre, sa conscience sauue, qu'on abuse Messieurs les Recteurs de l'Hostel-Dieu. Qu'il donne au Public son Parallele pour faire voir la sincerité de son intention, & empescher que la Verité ne s'eclipse; laquelle, parce qu'elle ne peut pas estre déguisee, les Poëtes l'ayant peinte tantost

tost toute nue, tantost simplement ha-
 billée, il promet parler d'un discours
 naïf & sans fard: mais c'est *per artem pa-*
sci. Et que peut-on attendre de celuy
 qui après auoir aduoué les Vipères
 bones & receuables au mois de Mars,
 pouillé par autruy côme vn aveugle,
 mit en lumiere yne These pour souste-
 nir le contraire, peu de mois apres? Ne
 sçait-on pas comme alors il fut hué &
 sifflé, ne pouuant repliquer aux doctes
 repliques de Monsieur de la Moniere,
 soustenant le contraire, & receut ce
 reproche; de plaider contre sa propre
 cedula, que luy fit Sieur Louys Pan-
 thot tres-expert Maistre Chirurgien,
 présent Monsieur de Tourueon Con-
 seiller en la Seneschauſſee & Presidial
 commis modérateur de ces disputes
 par Monsieur Olier Sur-Intendant de
 la Iustice. Ne meriteroit-il à present
 de receuoir vne forte & verte Mercu-
 riale, par vne censure du College, avec

vn desadueu de ses Collegues, ou du moins rougir de sa honte?

Nous sommes gens de bien, & luy Pag. 16.
trop foible ennemy, pour nous peiner à minuter sa ruine. Vray est que nous sommes marris de ce qu'à haute voix, & fauement il publie l'vsage de nos trochisques nuisible à la santé humaine, non de crainte que nous ayõs qu'il en empesche la debite, mais parce qu'il veut frustrer le College de M^{rs}. les Medecins de l'honneur qu'il en recoit, pour auoir authorisé vne chose iuste: & descrier le Corps des Maistres Apoticaire, où il n'y a personne de si mauuais naturel, qui voulut, je ne diray pas entreprendre, mais seulement penser à luy nuire. Ils le recognoissent Docteur Medecin collegié. Que s'il est reduit à mescontentement, qu'il en accuse son infortune, ou le peu de credit que sa langue serpentine luy a aquis parmy les gens de bien. Venons à son Paradoxe second.

Il n'y a aucun de nous qui n'accorde, que au plustost que les Viperes sôt prises il ne les faille mettre en œuvre, & les preparer en trochisques, de crainte qu'elles ne deuiennent maigres & extenuées, non point qu'on craigne qu'elles deuiennent plus veneneuses en les gardant, suiuant le conseil de l'Autheur à Pamphil. ch. 9. parce que c'est vn liure qui est reputé par les Docteurs, illegitime, & non escrit par Galen. Nous aduouons que par la faim le *virus* des Viperes se red plus violent, mais que pour cela elles ne deuiennent pas plus bilieuses, ny dés aussi tost plus veneneuses. Ce seroit hors de raison, veu que ce sont animaux froids & humides, qui endurent la faim fort long temps, selon Mercurial, au liure cité : partant, si le dire commun des Philosophes est veritable, *Comparatio omnis altero pede claudicat*, il sera vray en l'exemple qu'il

apporte

apporte de l'homme, duquel la salive est plus salee & amere lors qu'il est à jeun, qu'autrement, & deuiant plus bilieux & veneneux par la faim : car c'est vn animal plus chaud que les Viperes, qui comme tout autre serpēt, mesme en Esté, & durāt les plus grosses chaleurs, ont la chair actuellement froide. Qu'ainsi ne soit, i'ay veu des femmes en Italie en auoir autour du col nud, & au bras, pour ressentir davantage de fraicheur. Vn nommé La Colombiere, Mandeur de la Communauté de cette Ville en mettoit dans son vin lors qu'il vouloit boire plus frais en Esté, & en faisoit boire à ses amis, sans aucun danger. Ie dy dōc qu'il ne faut entendre le dire de Serapion si estroitement que le Paracelsiste fait, mais d'une longue faim. La raison en est euidente, en ce que les Viperes estants d'un temperament froid & humide, elles ont peu de cha-

leur naturelle; & partant, pour peu d'aliment qu'elles ayent prins, elles demeurent long temps sans auoir faim, ne pouuant digerer que lentement l'aliment qu'elles ont deuoré. Ce que l'experience journaliere confirme, ayant souuent treuvé dans le ventricule des Viperes gardees plus de six jours, des crapaux, & lezards presque tous entiers. Ainsi l'autorité de l'Authéur du liure de *Ther. ad Pisom.* déterminât le nombre des jours qu'il les faut garder, à deux seulement, n'est de grande consideration: non seulement parce qu'en cét endroit il ne parle des Trochisques de Viperes, mais du sel Theriacal (comme dit Cathelan Maistre Apoticaire de l'Vniuersité fameuse de Montpellier, & mon contemporain, ayant eu l'honneur d'estudier avec luy en nôtre Profession dans ladite Ville) & qu'à present il est question de la Theria-

que,

que, en la composition de laquelle il ne fait mention de ces deux jours. Argument tres-euident, que de necessité il a jugé telle obseruation de deux jours n'estre necessaire pour la confection du Theriaque. Ou bien, qu'il die pourquoy il n'en a pas fait mention, aussi bien que lors qu'il a parlé du sel Theriacal, veu meisme qu'au liure à Pison, il fait mention plustost du Theriaque, que du sel Theriacal? D'icy ie tire vne grande preuve, que le liure à Pison n'est pas de Galen. *Primò*, parce que plusieurs doctes Escriuains de cette matiere (remarque Cathelan) estimét que du temps de Gal. on n'employoit point à Rome d'autres Viperes que celles qui venoient d'Affrique par la mer, qui demeuroient plusieurs semaines par les chemins. *Secundò*, de ce que Damocrates chez Galen, au liure premier, de *Antid.* ch. 37. parlant des Vipe-



sur ce sujet, il dit: *Æstate grandes*
Viperas bis decem venator captas quas re-
center attulit, il ne dit pas, *recenter acce-*
pit: aussi Damocrates ne le pouuoit di-
 re, car il demeuroid au Pons en Bithi-
 nie, là où il n'y a aucunes Viperes; &
 toutefois Galen ne le reprend pas, ce
 qu'il eust fait indubitablement s'il
 eust composé le liure à Pilon, & iugé
 nécessaire & important de ne garder
 les viperes que deux iours, pour la
 composition du Theriaque. Ce que
 sçachant tres-bien Messieurs les Pro-
 fesseurs de l'Vniuersité en Medecine
 de Montpellier ont permis aux Mai-
 stres Apoticaire de faire les trochis-
 ques de viperes transportees de Poi-
 ctou à Montpellier, ce qui ne se peut
 faire en moins de douze iours, & se
 seruent depuis de celles de Lyon, ain-
 si qu'a esté dit cy-dessus.

Mais à fin de sapper son opinion
 sans delay, ie le veux presser par ce di-
 lemme.

lemme. Il ne faut garder les viperes
 que deux iours, ou bien de peur qu'el-
 les ne deuiennent veneneuses, par la
 faim: ou bien de peur qu'elles ne s'a-
 maigrissent. Nous auons suffisam-
 ment monstré qu'elles ne s'amaigris-
 sent, & Marcus Oddes le confirme, di-
 sant : *hæ per mensem & ultra absque cibo*
& viuunt, & rectè se habent. Elles ne
 peuuent deuenir plus veneneuses, par-
 ce qu'en leur chair elles ne le sont au-
 cunement, & que durant la faim, el-
 les n'attirēt leur venin du *chylus-fellis*,
 dans leur chair, d'autant qu'elles le
 renuoyent tousiours aux genciues,
 par leur faculté spécifique : & bien
 que le sang des Viperes vint à s'es-
 chauffer par vne longue faim, il ne
 pourroit deuenir plus veneneux, par-
 ce qu'il ne l'est pas de soy, ainsi qu'il
 se collige facilement, de ce que dit le
 Paralelliste en son premier Paradoxe,
 en suite de sa premiere raison par-

lant des aliments des Vipères. Leur venin doncques peut bien s'irriter par le ieufne, mais leur chair ne peut deuenir veneneuse.

Pag. 16.

Ce qui est de bon en la seconde condition qu'il demande au Theriaque, est pris presque de mot à mot du Sieur Cathelan en la troisieme iournee de son discours, touchant l'election des Viperes, & y est grandemēt louable ledit Sieur en ce qu'il a tasché d'esclaircir, pourquoy on prefere les viperes femelles aux masles, ce que nul des anciens & modernes n'auoiet osé attenter, soit qu'ils iugeassent la cause de telle eslection, ou chois facile à cognoistre, soit qu'ils la iugeassent trop difficile, ou qu'ils se sont contentés d'escrire ce qu'ils auoient appris les vns des autres par traditiue.

Encor qu'il importe peu de sçauoir la raison de tel chois à vn Apoticaire, qui se doit contenter en ceste
compo

composition, comme aux autres, de
 suivre l'intention des Auteurs ap-
 preués, & non d'en chercher la cause:
Artificis enim non est scire propter quid, di-
 sent les Philosophes apres leur Aristo-
 te; si est-ce que ie m'efforceray d'en
 treuver la raison, sans m'hurter à celle
 du Sieur Cathelan, duquel ie seray vn
 peu different: protestant neantmoins
 avec luy, de la quitter, si quelque cu-
 rieux, par la bonté de son esprit, en
 treuve des meilleures. Ie dy donc que
 pour trois raisons l'on prefere les fe-
 melles aux masles (ce que deuoit cu-
 rieusement rechercher nostre Para-
 lelliste, non pas faire du seuer Cen-
 seur des choses bonnes:) la premiere
 parce que des masles on tire fort peu
 de chair, & partant on a beaucoup de
 peine & peu de profit, d'autant qu'ils
 ont le corps deslié & gresle, ce qui pro-
 cede de ce qu'ils s'agitent plus volon-
 tiers, n'ayant en soy aucun empesche-

Cathelan
ex Baldo
Angelo.

ment, & qu'au coït ils debilitent leur force, & consomment leur substance, tant par l'effort qu'ils font lors qu'ils s'accouplent avec les femelles, s'entortillants de telle sorte & si estroitement, depuis la teste iusques à la queue, qu'à les voir en ceste posture, l'on diroit veritablement, que des deux ils ne sont qu'une seule vipere à deux testes, tant est estroite leur conjunction; que par la grande quantité de matiere seminale qu'ils fournissent au coït, comme l'on le peut conjecturer par la multitude des vipereaux, qui se treuvent par fois, iusques au nombre de 20. dans la vipere. Aussi ont ils quatre genitoires & deux membres virils, ou verges. Et parce qu'il se treuve beaucoup moins de males, que de femelles, ils ont beaucoup affaire, lors que les femelles entrent en humeur, & demandent le male, qui s'accouplant avec plusieurs s'amaï

s'amaigrissent facilement. Le Docteur
 sçait bien par experience que Venus
 amaigrit, encreue, & affoiblit le corps,
 & la ceruelle.

La seconde raison est de ce que
 l'on manie les masles , avec plus de
 danger que les femelles , à cause de
 leur plus grand venin : d'où vient que
 ceux qui les escorchent sentét vn plus
 grand prurit aux mains , que ceux qui
 escorchent les femelles. Nostre Para-
 lelliste qui n'en parle que par ouy di- Pag. 19.
 re , dit : que cela prouient de ce que
 d'autant plus que leur chair est vene-
 neuse, d'autant plus elle est acre. Mais
 il se souuiendra de ce que nous auons
 dit, que la chair des Viperes est froi-
 de, & humide de soy, & non vene-
 neuse. Il falloit dire, que quoy qu'a-
 pres auoir couppé la queue & la
 teste aux Viperes, l'on laisse escou-
 ler le sang, il reste neantmoins du
virus dans le *chystus-fellis*, duquel

quelque partie infecte les mains de ceux qui les escorchent, & cuilcent, avec prurit plus ou moins grand: selon que la vipere escorchée est mâle ou femelle, non pas que la chair soit veneneuse.

Partant la troisieme raison que l'on pourroit alleguer de l'election des Viperes femelles par dessus les mâles, & de ce que les Viperes mâles sont plus veneneux que les femelles, doit estre entendue en bon sens, autrement elle est fausse, car la chair des viperes n'est point veneneuse de soy, ny par le mēlange, si ce n'est qu'elles fussent en fièvre, ou malades d'ictērie. Elle ne l'est de soy, parce qu'elle n'est nourrie de venin, par la confession, paradoxe premier: & pour ce sujet Mercurial dit: *Est tamen Venenum huius animalis totum ferè in capite, ut etiam Gal. quandoque damnaret eos qui abscindunt caudam dum parant trochiscos pro*

pro Theriaca, quasi neque in cauda, neque in reliquo corpore venenum sit, ut mirari etiam non oporteat si quemadmodum Gal. ipse testatur, Ægyptij aut alij populi carnibus viperarum vescantur. Ce que j'ay voulu traduire au mieux que j'ay sceu: Toutesfois le venin de ces animaux est presque tout en la teste, de sorte que Gal. par fois a condamné ceux qui couppoient leur queue lors qu'ils preparét les trochisques pour la Theriaque, veu que leur venin n'est ny en la queue, ny au reste du corps: si bien qu'il ne faut s'estonner, si les Ægyptiens & autres peuples se nourrissent des chairs des viperes, ainsi que tesmoigne Galen. Elle ne peut estre veneneuse par le meslange du *virus*, lequel, selon luy, est renvoyé dans la vescie du fiel engendré du venin des animaux qu'elles mangent, duquel lieu il ne sort que renvoyé aux geniues, ou aux boyaux, pour leur servir d'esguil

d'esguillon à ietter leurs excrements: & partant il n'infestera la chair. De dire que le venin les infecte par expiration, il est difficile à croire, puis que les viperes ont ceste propriété que de se descharger du *virus* par conduits manifestes, pourquoy veut on qu'il reflue au dedans estant irrité, & qu'il s'exhale par l'habitude de leur corps par transpiration insensible? l'aduouie que dès le commencement de la colere le sang se retire au cœur, & qu'il s'y eschauffe: mais dès aussi tost il se jette au dehors, & s'il est cacochime, il peut alterer la chair, & exciter des ebullitions: mais que le *virus* entre dans leurs veines, & se porte en la chair, en la colere, il est difficile à croire, veu que ces animaux s'en seruent comme d'armes offensives & deffensives, lesquelles ne sortent de leur arcenal qu'à cét effect, y estant instruits de Nature.

Si

Si cela estoit vray, on ne les deuroit fouëtter pour les mettre en colere. De croire aussi que lors que l'on leur coupe la teste, il se peut faire que les masles n'ayent jetté leur venin & soit demeuré dans le fiel, ce ne sont que conjectures. Il se peut, & se doit faire le contraire, car les masles ayants esté irrités, ou fouët-
tés, comme aucuns veulent, assés long espace de temps, pourquoy ne jetteront-ils leur venin à la teste, & ce venin ne fluera-t-il plustost par les veines coupées, où il abonde *ad fugam vacui*, que de refluer dans les chairs par transpiration, insensiblement? Qui est-ce qui faict croire ceste soudaine euaporation, ou attraction en des corps froids & humides, qui ont la transpiration petite, d'où vient que peu ou point ils s'amaigrissent par la faim, si elle n'est longue? I'aduouë que le *virtus* du masle soit plus actif
&

& violent: mais qu'il en aye plus grande quantité, ie ne le peux conceder: & semble que la Nature nous monstre cela euidentement, ayant donné aux masles deux dents canines, avec deux boursiettes, & aux femelles quatre dents creuses & quatre boursiettes: argument euident que les masles ont moins de venin, puis que la Nature leur a donné moins de receptacle. Il semble que ce soit faire tort à la Nature de presumer qu'elle aye fait le contraire. Ce seroit en vain & sans aucune fin, d'auoir donné le pouuoir aux masles de faire plus, ou autant de venin, que les femelles: & toutesfois auoir donné plus de réceptacle à celles-cy qu'à ceux là. On pourra donc contre le Paralelliste (car il ne cite point d'Auteur) conclurre que les femelles ont plus grande quantité de venin que les masles. Ce que nous preuons encoir facilement, parce que

la vipere femelle, portant dans ses flancs fort souuent iusques à 20. vipereaux, a besoin de plus grande nourriture, que non pas les masles, pour fournir suffisamment de sang à les engendrer, former, & nourrir. Or est-il que de plus d'aliment (toutes choses posees semblables) la Vipere engendre de bile veneneuse d'auantage, que de mesme alimēt prins en moindre quantité : doncques les viperes femelles ont plus de venin, que les masles, puis qu'elles ont besoin de plus grande nourriture, & que j'oseroï dire que les femelles sont autant & voire plus agiles que les masles, ceux-cy estans plus timides & tardifs à s'irriter : de mesme qu'il arriue aux oyseaux de chasse, desquels la femelle vaut plus que le masle, ayant plus de force, d'adresse, & de courage. Que si les anciens ont estimé les masles plus agiles que les femelles (*celerius incedit*)

cela

cela se doit entendre à comparaifon des Viperes pleines de vipereaux, ou d'œufs, eftants fort gros, & prefts d'eftre conuertis en vipereaux. Si bien qu'il femble indifferent de prendre les mafles, ou les femelles, pour ce fujet. Ce que neantmoins on n'a ofé faire (de mefmes que l'on obferue en tous lieux où l'on prepare les Viperes iufques à prefent, le College n'ayant encor efté aflemblé fur ce fujet, & cy-deuant ayant efté refolu, fuiuant l'ancienne couftume, d'vfer des femelles, pluftoft que des mafles.

Mais, pourquoy prent-on tant de peine à rechercher les caufes d'auoir preferé les mafles aux femelles, puis-que nous la pouuons prendre de l'opinion erronee, ou pluftoft fabuleufe de l'Autheur de *Ther. ad Pifon*. fuiuant Nicander, parlant de la mort des mafles par l'accouplement qu'ils ont avec les femelles, fuiuant laquelle ils n'eftoient

stoient coustumiers d'vser des masles, puis qu'estants depeuplés au coït, il s'en treuuoit fort peu, & qu'il estoit à coniecturer, que ceux qui restoient n'estoient bons, n'ayants esté forts & vigoureux pour donner du plaisir, & chatouïller puissamment les femelles durant le coït, pour se faire arracher la teste, ou du moins eschappés de la mort par la guérison de leurs quatre blessures, demeueroient foibles le reste de leur vie : & qu'il valoit mieux les relacher, que de les égorger, & ecorcher, de peur de perdre la race des Vipères, par faute de masles, auxquels les femelles, forcénées de plaisir, leur coupoient la teste à la fin du coït.

¶ Nous aduotions ces deux conditions requises, pour faire les trochisques de Viperes, afin d'estre employées au Thériacque; car après auoir coupé la teste & la queue aux Vipères presentées, au mois de May der-

Page 30.
& 31.

nier, dans l'Hôtel-Dieu, il n'y eust aucun des assistans, qui ne prit bien garde qu'eiles ien oient force sang, & que leur tronc estoit fort mobile. Luy seul par son ordinaire caprice, n'y voulut paroistre, quoy qu'appellé, craignant de s'y voir condamner sur la fausseté supposée; & luy-tult-on faict cognoistre, que les Viperes estoient tres-bien choisies, suivant les conditions requises pour en faire des tributiques. Y estant quelque temps après venu à dessein de les refuter, soit à tort ou à droit; l'on le reconnut facilement par la response laquelle il fit assez hautement, à l'Apoticaire de l'Hôtel-Dieu, luy ayant demandé les solutions des raisons que la compagnie opposoit à ses caprices: *Frater, chacun à son opinion.*

pag. 58.

Il le puis bien adiouster son procédé, comme il dit, lors qu'il procura de renuoyer de tres-belles & bien choisies

sies Vipères, & la plus part toutes
rousses, apportées par des chasseurs
qu'il dit estre de Villars en Bresse, qui
sont toutefois de Dauphiné. Quoy
que c'en soit, & en Bresse, & en Dau-
phiné il s'en treuve de tres-excellen-
tes, & de condition à n'estre refusées,
comme il fit : & pour r'enuoyer les
chasseurs, il leur proposa la responce
aussi tost que l'interrogat, qui fut, s'ils
n'auoient pas chassé les vipères pro-
che les marests, & lieux aquatiques.
Ils luy respondent, Qu'ouy, ne pre-
nant garde à sa malice : car ie croy
qu'il n'ignore pas que c'est con-
tre toute sorte de raison & natu-
re de ces feres d'habiter tels lieux,
ainsi qu'a esté cy deuant dict.
Sur cette responce Monsieur du So-
leil, homme de bien, & charitable
Recteur en ladicte maison n'osa les
accepter, si firent bien d'autres, qui
s'en treuverent bien. D'icy l'on peut

conjecturer la mauuaise inclination qu'à le Paralelliste au bien dire, & faire. Venons à son troisieme Paradoxe.

Paradoxe III.
pag. 31.

Le m'estonne comme il appelle vn Paradoxe, d'estimer que les herbes de Candie soient meilleures que Lyonnoises, ou d'autre pays, car personne n'a debatue ceste proposition, en soutenant absolument le contraire. Bien est vray, que l'on dist en l'assemblée dudit mois de May, que souuent les herbes de Candie, estant transportees en pays esloignés, comme à Lyon, se trouuoient sans saueur, ny odeur, & parfois changees de couleur; ce que nous auons obserué souuent, pour estre marques du peu de valeur desdites herbes. Il n'appartenoit qu'aux Empereurs d'entretenir des Herboristes en Candie, pour leur fournir les racines, herbes, fruiets, semences, & sucs cueillis en leur temps, & bien conditionnés. A present nous sommes

con

contraints de nous fier à des personnes mercenaires, qui le plus souvent nous trompent. Il en faut apprendre des nouvelles de ceux qui fréquentent ces Pays, *vbi regnat Púnica fides*, & cognoistre de longue pratique ces coureurs, & vendeurs de telles denrées, qui se meslent non seulement de debiter les simples tels quels, mais encor des compositions & meslanges trop impunement, au grand prejudice du Public. Je ne dy pas que si l'on presentoit des herbes Candiotes, ou d'Italie, bien conditionnees, l'on ne deust les employer dans la composition des Theriaques, & Mithridat; mais qu'il estoit bien difficile de les auoir en leur perfection, voire mesmes à Venise, ainsi que ie l'ay veu & appris. C'est ce qu'il falloit impugner; & ainsi il eust soustenu vn Paradoxe, & ne feroit pas voir faussetement; que les interessés abusent Messieurs les

Recteurs, leur voulant persuader que la Theriaque est plus excellente, ou du moins aussi bonne que si elle estoit composée avec les Viperes Romaines, & herbes Candiotes. Personne de la compagnie ne dit, que la Theriaque Lyonnoise fust meilleure que celle de Rome fidèlement dispensée. Mais luy, nullement amateur de sa Patrie, mesprisé tant qu'il peut les herbes Lyonnoises, & la Theriaque qui s'y fait, voire en toute la France, l'appellant (ainsi que j'ay dit cy-dessus) *l'Appelourde des Antidotes*. Pour luy Messieurs de l'Vniuersité de Montpellier ne rejetteront celle qui s'y prepare, qu'il streuent tres-bonne. Son outre-cuidance si grande de faire litiere du jugement d'un si celebre College, & de tous ceux de France, m'a porté à rechercher quelques verités, pour l'esclaircissement des difficultés qui se presentent d'abord en ce lieu. Paradoxe,

doxe. Après i'en suivray le texte, mar-
quant de gros en gros quelques vns
des deffauts & manquemens qui y
sont en bon nombre; laissant les plus
difficils à quelques Medecins, si tou-
tesfois il s'en treuve qui veuille perdre
le temps à luy respondre. Pour moy,
ie suis contraint d'y employer des
veilles, à mon regret, d'autant qu'il
m'attaque directement, quoy qu'il ne
me nomme pas; tous ceux de la Pro-
fession sçachant, que j'ay esté le pre-
mier à recouurer la uice grand soyn &
despensé les Viperes Lyonnoises, que
j'ay presentees & mises en Trochis-
ques. Monsieur de Serres, l'un des Do-
cteurs Collegiés de ceste Ville, l'a rap-
porté, en la Traduction de Monsieur
du Renoud, outre plusieurs belles re-
marques qu'il y fait, y contribuant
tres doctement beaucoup du sien.
Aussi est-il estimé homme de merite,
& tres-digne de la Profession.

Vn simple médicament est appelé meilleur qu'un autre, ou simplement, pour auoir des meilleures conditions & qualités requises à son espèce; ou bien, à comparaison des personnes qui en vsent. Les herbes qui croissent hors de France ne sont point meilleures pour nous, que les nostres Lyonnoises, ainsi que le preuue le Docteur Constantin Docteur Medecin à Aix en Prouence, en son Traicté de la Pharmacie Propinciale & familiere, suiuant laquelle la Medecine peut estre faicte des remedes qui se treuuent en chaque Prouince, sans qu'on soit contraint les aller mandier ailleurs: Dedié à Messieurs de la Cour du Parlement de Prouence: Imprimé à Lyon par Thibaud Ancelin, Imprimeur du Roy, en l'an M. D. XCVII. Et à fin de luy renuoyer son esteuf, Symphorien Champese, jadis Docteur en Medecine à Lyon, qu'il cite
cy

cy: après, la fait vn liure *De Theriaca Gallica*, qu'il loüe extrememēt. Voyōs ce qu'il en dit au chapitre 5. parlant des simples qui ont beaucoup de force contre les venins, & qui se treuuent en France: *Cum itaque hi qui Arabum placita sectantur, & qui nihil nisi quod ab India aut Arabia venit, recipere volunt, in magna rerum caligine versantur, facileque infinitis errorum nexibus implicantur. Cogitent studiosi, an potius à simplicibus que in Gallia, Italia, Hispania, ac Germania nascuntur, & nobis familiaria sunt, quam ab Arabum lacunis simplicia medicamenta hauriant.* Il fait là vn grand discours des simples Theriaquaux, qui se treuuent en France. Dans le chapitre 7. il suit ceste mesme maxime, au liure intitulé, *Hortus Gallicus*, duquel si le Paralleliste auoit leu le troisieme chapitre, il n'auroit entrepris de tant descrire les Viperes & herbes Lyonnoises, & eust appris que les François ne

manquent point de simples propres pour eux, aussi bien que les *Ægyptiens* & les *Arabes* en ont en leur pays pour eux. Il n'y a rien de plus formel & évident que ce qu'il dit au chap. 2. du liure premier de son œuvre, appelé *Cribrationes*, à sçauoir, Que plusieurs excellents Medecins & Philosophes ont esté de ceste opinion, qu'il ne falloit medicamenter les François, Espagnols, Italiens, & Allemands, qu'avec les choses qui naissent chez eux. Et au chap. 4. suiuant il monstre qu'un Medecin Chrestien ne doit vler des remèdes estrangers, & apportés de si loin.

Par les simples, ou herbes Lyonnoises, nous entendons non seulement celles qui sont en nos terroirs, mais aussi celles des Prouinces circonuissines, comme du Dauphiné, Prouence, & Languedoc, desquelles nous nous seruons le plus souvent dans la composition du Theriaque.

Cela

Cela estant ainsi supposé, attaquons le frontispice de son pretendu Paradoxe, auquel il veut preuuer les herbes de Candie estre meilleures que les Lyonoises, ou d'autres pays. Il se contredit luy-mesme : car en la page 35. il dit, Que le camedrys, l'hypericon, la gentiane, la semence de thlaspi, & autres qui croissent en quelques contrées d'Italie, égalét en vertu les plantes qu'on apporte de Candie, quand la constitution du Printemps est plus seiche. Doncques il deuoit dire, qu'il preuuerait que quelques herbes de Candie estoient meilleures que les Lyonnoises, ou d'autre pays ; ou bien il deuoit limiter ceste generale proposition, en adjoustant, en certains temps. Mais comme le Docte Prouençal ne l'aduouë pas sans aucune exception, ny nous de mesme, qui estimons aussi bones pour nous nos herbes, que sont celles de Candie pour les

les Candiotz , ainsi que soustient le Docteur Champese au chap. 4. cité. Je diray bien d'avantage, Que pour l'ordinaire, nos herbes qui entrent dans la Theriaque, sont meilleures que celles de Candie transportees à Lyon. L'experience me l'a fait voir iusques à trois fois. Et encor qu'un Empereur prit la peine de les faire venir, il n'y a rien qui s'altère plustost que les fleurs qui y sont requises, avec les herbes pour la composition du Theriaque. C'est ce que ie preten faire voir au plustost (aydant Dieu.) Ainsi ie ne peux aduoüer qu'elles soient meilleures. Mais que dirons nous de celles qu'on nous apporte sans attestation, qu'elles viennent de Candie? & bien souuent sont le rebut des Espiciers Venitiens. Cela suffiroit pour respondre à tout son Paradoxe: ie le veux neantmoins faire plus en particulier.

Il est certain que les herbes & plantes reçoivent en quelques contrees & Prouinces certaines qualités qu'elles ne peuvent recevoir ailleurs : ainsi la scamonee d'Antioche, & celle de la region des Sterites est rejettee, parce qu'elle n'a pas la perfection des vertus deuës à l'espece de la Scamonnee. Ce qu'il faut entendre, pour l'ordinaire: car comme les endroits d'Antioche ne sont semblables en chaleur & secheresse, aussi il se peut faire, que la scamonee n'y soit d'egale perfection; suivant la diuersité des lieux d'Antioche. De mesme, il se peut faire qu'en certains endroits des Sterites l'on aye d'aussi bonne scamonee qu'en d'autres d'Antioche. Il ne faut donc pas s'asseurer sur le lieu de naissance des plantes totalement : il faut recourir aux marques & effets propres qui leur conuiennent : nous les treuons en nos herbes Lyonnoises, ou des

Pro

Prouinces voisines, peu ou point différentes d'avec celles de Candie. Il dit donc mal, que s'il faut comparer les simples de Candie qui entrent dás la Theriaque, avec ceux de Lyon, qu'on treuuera qu'il y a autant de difference, à raison de l'excellence de leur vertu, comme d'un corps mort avec un viuant. Y a-il rien de plus amer que nostre Centaure? l'Aloës n'excede rien, ou fort peu, son amertume; & il l'appelle vne plante morte, au respect du Centaure Candiot, qu'il ne voit jamais. Nostre gráde Serpentaíre, ayant les marques & conditions que les Autheurs attribuent à la vraye Serpentaíre, il faut conclurre assurement, qu'elle empeschera les morsures des serpents, si celle de Candie le fait: mais j'estime que Gal. l'a dit après les autres, ayant suiui l'opinion de ses anciens. Car s'il eust experimenté par expres la vertu de

ceste

Pag. 33.

Pag. 34.

ceste plante, pour empescher la morsure des serpents, sans doute il l'auroit marqué en quelque endroit de ses œuvres avec plus de particularité. Et nous pouvons dire du calamant & autres plantes de France, ce que luy mesme dit du scordium, *Scordium quoque pulcherrimum Creta mittit, quamquam in aliis Regionibus minimè contemnendum reperit*. Crete fournit de tres-beau scordium, quoy que celui des autres Regions ne doit estre mesprisé. Le Critique Docteur assure que le calamant de ce pays ne tue pas les vers, ny ne remédie aux morsures des serpents. Il ne l'a iamais experimenté; car estant de substance subtile, accompagné de chaleur acre, & amertume medioere, il tuera les vers, & servira à resoudre le venin qui se treuve aux morsures des bestes veneneuses. Que si i'auoy à traiter vne personne mordue d'un vipere, ie ne m'y voydroy

Cathelan
fol. 102.

droy pas fier, d'autât que le calament,
 de quelque nature qu'il soit, n'a esté
 loué par ceux qui ont suivy Gal. ius-
 ques à nous, pour estre vn souverain
 & assuré remede à telles morsures.
 Toutesfois s'il est si bien assuré de
 son faict, il en peut faire l'experience,
 & par ce moyen il decouvrira ceste
 grande energie imaginaire. Il y a vn
 bon Auteur qui dit que Dioscoride,
Vir militaris, a escrit beaucoup de cho-
 ses par ouy dire, quoy qu'il se vante
 d'auoir tout expérimenté. Nous sca-
 uons la faute qu'il commet en par-
 lant du baume, & en plusieurs autres
 endroits, & Gal. a souuent suivy Dio-
 scoride. Mais pour accorder le tout, il
 faut dire, Que lors que les anciens
 ont dit que l'agario, le calament, &
 semblables plantes & herbes gueris-
 sent les morsures des serpents, les em-
 peschent, & rendent inefficaces & sans
 pouuoir, cela se doit entendre en bon
 sens,

sens, comme s'ils vouloient dire qu'ils
seruent à tels effets, non pas qu'ils
soiēt puissants pour l'arrestër, ou oster
du tout le mal, ainsi que nous auons
dit du scorpion escrasé sur la piqueu-
re. Et si tels simples estoient si puissans,
comme le Paracelsiste iuge trop ru-
dement, selon le texte (où il y a *mede-
tur*, & quelquefois *opitulatur*; & non
pas *perfectè curat*) pourquoy faire de
si grandes compositions alexitairës,
puis qu'à tout bout de champ on treu-
ueroit des simples alexitairës? Je desi-
reroy sçauoir s'il voudroit guerir vne
morsure de vipere par l'exhibition du
seul agaric, encor que Dioscoride aye
laissé par escriit: *Venenorum antidotum
est denarij instar, cum diluta vini portione
sumptum, si serpentes iectum vibrarunt,
morsumque subfixerunt, tribus obolis ex
vino potum mirè auxiliatur.* S'il lit le
commencement du chap. 1. liure 3. il
verra qu'il parle par la toy d'autrui.

Aussi, pour auoir tant d'experience, il faudroit qu'il eust vescu autant, ou plus que MATHUSALEM.] 2.

Encore que les plantes CANDIOTES soient plus grosses & mieux nourries, cela ne sert de rien, car les nostres le font fort bien, selon leur grandeur, & bien souvent les plus grandes roses ne sont pas celles de meilleur odeur. Adjoignons, que nous pezons les herbes, si bien qu'une dragme de calamint de Prouence, ou de Lyon, cueilly en lieu chaud & sec, fera autant d'effet, qu'une dragme de calament de Candie. Au moins, il ne l'osera nier du camepytis: car, selon l'Auteur du Theriaque à Pison, qu'il aime tant, & cite si souvent, il croist en plusieurs endroits de meilleur odeur qu'à Crete, & le monstre particulièrement de Rome, si l'air n'est pluuieux. Icy nous pouuons conclure, que nostre camepytis, & principalement les faisons estants

estants moins pluviueuses , sera aussi bon que celuy de Crete , quoy qu'il fust inférieur à celuy de Rome, ce que peut-estre le D. Constantin ne contesterà pas. Venons au Paradoxe quatrieme.

Nous aduouons librement, que la Theriaque , pour estre bonne , doit auoir les deux conditions alleguees par luy. Pour la premiere, qu'elle soit faicte des meilleurs medicaments: mais quand il inferre, *C'est pourquoy les Viperes Romaines, & les herbes de Candie estants plus excellentes que les Lyonnoises, elles y doiuent estre employees par preference*, nous ne le pouuons accorder si cruëment. Pour preuue de ceste premiere condition , il se fert de l'Auteur du liure à Pison, & dit, qu'il faut obseruer la proportion des vertus & facultés des ingredients , pource il defend d'y meller des medicaments puissants avec des foibles, ou en espe-

Paradoxe I V.
Pag. 39.

ce, ou de vieillesse. En confirmation de son dire, il rapporte que l'opium mélé avec les autres foibles en vertu, fait vn Theriaque semblable au Philonium. Icy ie pren nouvelle occasiõ de douter, si le liure à Pison est veritablement de Galen. Il est bien vray, que le Philonium est vne compositiõ distincte du Theriaque, mais qu'ils different, comme il semble que cet Autheur veuille asseurer, l'experience & la raison tesmoignent le contraire: car l'un & l'autre sont somniferes, & par suite de temps, ils perdent, ou du moins diminuent beaucoup de leur faculté narcotique; & comme l'on n'vse du Theriaque avant six mois destinés à la fermentation, on fait le mesme du Philonium, lequel passé dix ans n'a plus de vertu somnifere, non plus que la Theriaque. Et i'oseroy bié dire, que la Theriaque est plus somnifere, que le Philonium, selõ la force de

de la maxime tiree de l'Autheur du Theriaque à Pison: car par exemple, dans vne dragme de Philonium il y a deux grains d'opium, & trois grains d'hyoscyame, & 55. grains de remedes chauds, tous puissants, sans meslange d'aucun ingredient foible, ou froid: là où dans vne dragme de Theriaque, il y a deux grains & demi d'opium, ou peu s'en faut, autant de trochisques de Viperes, vn grain & demi de roses seches, & acacia, suc de reguelisse, & vn grain *Terræ de Lemnos*, qui sont remedes froids, ou foibles: si bien qu'en vne dragme de Theriaque il n'y a de remedes puissants que 51. grains, & 9. grains de Narcotifs, qui peu resistent à la faculté somnifere de l'opium: partant, la Theriaque est aussi, ou du moins autant somnifere que le Philonium, s'il faut conjecturer de la vertu des compositions, par proportion des vertus & facultés des ingredients.

Si bien que l'Autheur *De Theriaca ad Pis.* n'auoit guiere bien experimenté la vertu du Philoniũ, ou Theriaque.

Faisons encor vne conclusion contraire à l'experience, par la force de ceste maxime & autorité. Si la Theriaque faicte des ingredients foibles & debiles en vertu & en espee, est vne composition semblable au philonium, il faut conclurre, que la Theriaque faicte des herbes fortes en vertu & en espee n'est semblable au Philonium, & partát qu'elle ne sera somnifere. Toutesfois ie n'estime pas qu'il iuge celle qui se faict à Rome des herbes d'Italie, ou qui s'y faisoit du temps de Gal. des herbes Candiores estre moins somnifere que celle que nous faisons à present, qui passé dix ans n'est plus narcotique. Il dira peut-estre, qu'il auoit espreuue telle Theriaque inutile pour la guerison des venins; mais c'est vne conjectu-

re : car au sens littéral du texte de Galen par luy allegué (que ie n'ay point tant feuilletté, cōme j'ay dit) il ne parle que de la faculté somnifere : & lors que la Theriaque est somnifere, elle n'a pas grand vertu alexitaire pour guerir la morsure des viperes ; au moins dès le commencement l'on donne de la Theriaque vieille, non pas de la recente, ainsi que ie l'ay veu pratiquer, à fin que par la faculté incrassante elle empesche que le venin n'entre dans le corps ; & par sa vertu alexitaire diaphoretique elle repousse le venin en dehors ; ou du moins l'Authent de *Tber. ad. Pison.* deuroit marquer de quelle force estoit telle Theriaque. Le philonium ayant passé dix ans n'est pas néanmoins inutile, contre les venins, s'il prend garde à la vertu & proportion des medecaments qui le composent, qui sont des plus puissants. Au moins aura-il au-

tant de vertu que le calamant qu'il releue si hautement au 3. Paradoxe, pour guerir la morsure des venins : & ainsi la Theriaque susdite ne seroit si inutile pour remedier aux venins. ✓

Partant, il se sert d'un appuy foible, tel que l'Autheur *De Theriaca ad Pisom.* pag. 40. pour dire. [Il faut icy remarquer, que les interessés en l'observation de ceste condition, choppent, ayant persuadé à Messieurs les Recteurs de se seruir des Viperes, & herbes Lyonnoises, qui sont medicaments foibles, avec la mirrhe, les trois sortes de poiure, & autres medicaments puissants, qui n'ont aucune analogie en nostre corps, ainsi que lesdits interessés pretendent auoir les herbes & viperes de ce Pays. De sorte qu'ils feront, non vn Theriaque, mais vne oppiate qui aura la faculté du medicament, qui surpassera les autres en vertu.] Or son autorité estant nulle, la conséquence & remar

& remarque seront aussi nulles. Ad-
 joultons , que nos viperes & herbes
 ne sont de si foibles medicaments
 qu'il les faiët , ainsi qu'auons preuüé
 cy-dessus, & le ferons cy bas, plus am-
 plement. Il est vray que la myrrhe &
 les trois sortes de poiure ayant peu ou
 point d'analogie avec nostre corps , il
 est besoin de nous les rendre familie-
 res , par le meslange de quelques me-
 dicaments , comme sont les nostres
 qui nous sont familiers. Ce qui est
 indubitable & asses preuüé par Mon-
 sieur Symphorien Champese , & le
 Docteur Prouençal , cy-dessus cités.
 Mais posons le cas que nos viperes, &
 herbes Lyonnoises soient foibles me-
 dicaments, (ce que nous n'accordons
 pas neantmoins) nous pouuons con-
 clurre , que la Theriaque Lyonnoise
 sera meilleure que celle qui se faiët
 des herbes Candiotes , parce que plu-
 sieurs des remedes qu'il appelle puis-

sants , n'ont les marques que les anciens leur attribuent ; comme la myrrhe , laquelle pour belle qu'elle soit maintenant , n'est odoriferente , ny suave à fterer. Au lieu du vray opium nous n'auons que du meconium. Le folium Indum que nous presentons a fort peu de bonté , ainsi qu'on le iuge au goust & à l'odeur. Le calamus aromatique nous manque. Le xilobalsamum est sans efficace , & la Terre Lemnja n'a les qualités qu'on luy attribue : & nul de ses Collegues , ny luy mesme n'a espreuë en elle tant de vertu qu'on luy a donné par escrit. Si bien que la pluspart de ces ingrediëts appellés puissants , qui ne sont à presët tels , ainsi que remarque Monsieur Symphorien Campese en plusieurs endroits de ses liures cités , estants meslés avec nos viperes & herbes , feroët vne meilleure composition , puis que la proportion des medicaments

y fera

y sera mieux obseruee, que si l'on y mettoit des herbes Cádiotes, lesquelles surpassent les autres ingredients, qui ne sont en ce temps forts & puissants, comme ils estoient en celuy de Galen, ou au moins on ne les apporte pas tels, seroient donc vne oppiate, ayant leurs facultés, qui surpassent ores les autres en vertu, non pas vne Theriaque, s'il est vray ce qu'il dit. le Pag. 41.
 dy, s'il est vray ce qu'il dit, car de ceste raison nous pouons conclurre manifestement que la Theriaque des herbes & viperes Candiotes, n'est pas vne Theriaque. La Theriaque qui a la faculté d'un medicament qui passe les autres en vertu, n'est pas vne Theriaque ains vne oppiate: mais la Theriaque faicte des herbes & viperes Candiotes retient la faculté du medicament qui surpasse les autres en vertu, sçauoir de l'opium, qui la rend somnifere iusques enuiron la dixieme
 anne.

annee. Doncques la Theriaque faiçte des herbes & viperes Candiotes n'est pas vne Theriaque, mais vne oppiate. Il y pensera.

pag. 41.

Il n'y a personne de Messieurs les Medecins, ny des Maistres Apoticairez mes compagnons, qui n'aduouë librement, que la Theriaque ne se corrompe par le vice de l'un de ses ingredients, principalemēt s'il est puissant, ou mis en grande quantité, comme Galen verifie par la remarque du vin, trochisques de Viperes, & miel mal conditionné. En l'eslection de ces trois ingredients nous ne faillons aucunement, vsans du vin de Crète, ou d'Espaigne, au deffaut du Falerne, qui de-jà du temps de Pline auoit miqué; & du miel de Narbonne, qui ne cede en rien à l'Attique; moins encores au meſlange du pain bon, bien pestry & bien cuit, meſlé en quantité suffisante, ſçauoir au quart, vne once de pain,

pain, pour quatre de Viperes prepa-
 rees. Partant, il est necessaire de faire
 la description ancienne de la Theria-
 que, sans qu'il soit loisible d'adiou-
 ster ny diminuer aucuns des ingrediets
 d'icelle; & C'est le sentiment de feu
 Monsieur Jacques Pons, iadis Doyen,
 & fameux Medecin de ceste Ville.
 Mais il n'y a aucun des susdicts Do-
 cteurs Medecins, ny de mes Compag-
 nons, qui luy accorde que la The-
 riaque qui se fait à Lyon, & mesmes
 celle qui se proposa au mois de May
 dernier dans l'Hostel-Dieu, & qui s'y
 prepara, manque en ses conditions,
 ainsi qu'il allegue, contre sa consci-
 ce, & par vn tres-grand mespris, les
 estimant des Diatessarons en vertu.
 Nous auons cy-dessus assez monstre
 que nos Theriaques Lyonnoises sont
 composees de bons medicaments, &
 des mieux choisis, en la presence de
 tout le College, quelquefois luy pre-
 sent,

sent, & bien-souuent en son absence.
 Quelle temerité luy est-ce de dire,
 que tant de celebres Medecins & ex-
 perts Apoticares ne sçachent choisir
 & ne choisissent les meilleurs medi-
 caments? En cecy c'est estre trop pre-
 somptueux. *Vir unus, vir nullus.*

A fin de mieux colorer sa passion
 & haine, il assure que nous adjoustōs
 & diminuons diuerses drogues; mais
 puisque nos Theriaques se font en
 public, & que nul des Maistres Apoti-
 caires n'aye fait, ny ne fasse aucune
 Theriaque qu'il ne suiue l'exemplaire
 qu'il a fait imprimer, & dedié à quel-
 que personne notable, après qu'elle a
 esté veüe par les Doyen, & Procureur
 du College, peut-il dire en veri-
 té, que nous adjoustōs, ou diminuons
 les drogues? & que nous n'ayons suiuy
 exactement la description du Theria-
 que, mesme celle qui est inserée dās la
 Pharmacopée Lyonnoise? Si bien, que

si en la Theriaque de l'Hostel-Dieu du mois de May dernier, nous auons adjousté, ou diminué les ingredients du Theriaque, c'est que nous auons esté deceus par ladiète Pharmacopee. Ce qu'il admet, ainsi que ie croy, & partant il peut se retracter du blasme qu'il nous donne, d'adiouster ou diminuer les ingredients du Theriaque.

Il pense de nous décrier, lors qu'il Pag. 44 dit, Que nous substituons diuerses drogues les vnes aux autres, selon l'occasion, ou la difficulté de les pouoir recouurer. Mais s'il a bonne memoire de ce qu'il escrit en son liure, & que le Collegé a deliberé, & de ce que Galen a faict & laissé par escrit, il cognoistra que les Apoticaïres de Lyon ne font aucune faute s'ils substituent quelques drogues les vnes aux autres, l'experience ayant faict voir le grand profit que reçoient les malades par l'usage des Theriaques Lyonnoises.

Ce

Ce que nous auons remarqué cy-deuant, & preuons du feuillet 42. de son Parallele, où il dit que Gal. liu. premier des Antidotes, chap 2. defend de n'adjouster, ny diminuer aucun de ses ingredients : mais il ne dit pas qu'en cét endroit il aye defendu de substituer les drogues les vnes aux autres: marque asseuree que Gal. n'a pas estimé estre absolument necessaire pour faire vn bon Theriaque, de ne substituer quelques drogues les vnes aux autres. Il est vray qu'il conseille suiure l'ancienne description, de laquelle nous ne nous esloignons aucunement, ainsi qu'elle est couchée dans la Pharmacopee Lyonnoise, sans auoir pensé de la vouloir conferer avec celle qui se treuve chez Galen: Je m'estonne qu'il blasme les substituts, puis qu'il a signé la Pharmacopee Lyonnoise, dans laquelle il nous a marqué les substituts. Galen n'a il pas

faict vn liure de *Substitutis*, & aussi Syl-
 uius tres-docte Medecin, duquel asses
 mal à propos il se sert pour décrier
 la Theriaque Lyonnoise. Galen luy
 mesme en la composition du Theria- Bau-
ron fol.
110.
 que, conseille de doubler la dose de la
 canelle pour la substituer au vray ci-
 namome, laquelle il estimoit estre de
 differente espeece. Il n'impreue que
 l'on mette en place du persil Mace-
 donien quelqu'autre forte de persil.
 Au 5. liure de *Sanitate tuenda*, il veut
 que si l'on ne peut recouurer le miel
 Cectopien, ou l'Attique, que l'on se
 serue d'un autre, pourueu qu'il soit
 bon & bien conditionné: mais auant
 que passer outre, ie remarqueray que
 Galen n'a point iugé nécessaire d'y
 ser absolument des herbes Candio-
 tes, puis qu'en la description d'icelles
 il ne marque point les lieux d'où il
 les faut auoir, au rapport de la Phar-
 macopee Lyonnoise, *folij Indi, ireos*

Galen au
livre 8.
de la cō-
pet. des
Med. par.
l'ouït.
Plus de
France,
pourveu
qu'elle
soit blā-
che, &
nette.

Mōsieur
de l'Fra-
boisiere
en ses
Ondon-
nances.

Je recon-
nois il y
a quel-
ques an-
nées un
Calanus
albus ge-

*Illirica, Nardi Indica, terra Lemnia, gummi
Arabici, petroselinii: Macedonici, therebenti-
ne: ypria, nardi Celtica, danci Cretici, bitu-
minis iudaici, vini Cretici,* témoignage
qu'il n'est nécessaire de toute nécessité
d'aller mendier les autres ingrédients
en Candie. Il suffit d'y employer ceux
que les autres Provinces fournissent,
pourveu qu'ils soient bons, comme il
s'y en trouve de tres-excellents, ainsi
qu'il a esté dict cy-dessus. Qu'il voye
dans le Miroir des Apoticairez de
Monsieur Simphorien Champeze, s'il
ne donne pas des louanges à nos her-
bes Lyonnoises, qu'il prefere dans les
lures cités aux estrangeres. Que si de
son temps les Apoticairez vsoient de
plusieurs substituts à present nous en
vions fort peu il ne nous manque que
le bon xre balsamum, & le calamus
aromaticus. Il n'a jamais blasmé l'usa-
ge du scordium, & autres herbes Lyō-
noises, pour la composition du The-
riac

riaque, il ne le ſçauroit preuuer. Il a voulu ſeulement inferer, que de ſon temps on ne pouuoit faire la Theriaque bonne, comme Galen, à cauſe de l'ignorance des drôgues, & peu de valeur des ingredients eſtrangers, ainſi que ie coniecture par la lecture des liures cy-deſſus cités.

Alcy ! nôtre reformateur commet
 VII. *ἡ τέρπει - πρότερον*, mettant ainſi
 que l'on dit, la charruë deuant les
 bœufs, ſans aucune raiſon, ſinon con-
 traire à ce qu'il pretend, en diſant,
Simphorien Campeze dit, que la Theriaque
diſſerſée à Lyon par deux ſçauants Apoti-
caires, parce qu'on auoit ſubrogé pluſieurs
drôgues les vnes aux autres, eſtoit, bien
moins mauuiſe que celle qui ſe faiſoit ail-
leurs, comme à Montpellier, Padoüe, Boloi-
gne. De ces lignés il faudroit inferer le
 contraire, que telle Theriaque Lyon-
 noiſe eſtoit plus mauuiſe que celle
 qui ſe faiſoit ailleurs ; parce qu'on

auoit subrogé plusieurs drogues: non pas affeurer avec luy, qu'elle estoit moins mauuaise. Il faut que ie luy aide à faire son Paralelle, en reformant son discours, qui seroit excusable s'il estoit d'un Apoticaire comme moy, mais non pas d'un Docteur Medecin pretendu reformé Paralelliste de nos Theriaques: après ces mots de son Paralelle (*scauants Apoticaire;*) lisons ainsi: estoit bien moins mauuaise que celle qui se faisoit ailleurs, comme à Montpellier, Padoue, Boloigne, mais qu'elle n'auoit les vertus & proprietés que donne Galen à celle d'Andromachus, parce qu'on auoit subrogé plusieurs drogues les vnes aux autres. La suite de son texte ainsi corrigee, n'est elle pas mieux aduenante au mespris qu'il pretend arriuer à nos Theriaques, par la lecture de ses cayers satyriques?

Il se sert du liure à Pison, & à Pamphilian, pour donner des preuues d'une

d'une bonne Theriaque, & faire voir qu'elle n'est ny falsifiée, ny vieille: mais l'un & l'autre passage me font grandement douter, que tels liures soient de Galen: car sans distinguer l'age de la Theriaque, si elle est recente ou vieille, ils veulent que la Theriaque donnée à la grosseur d'une noisette, un peu après avoir pris un remede cathartique ou vomitif, & des plus violents, arreste tout à fait leur operation & effect. Si cela est Pag. 46. vray, & qu'il ne faut faire aucun scrupule d'en faire l'essay sur un homme malade, ou sain, ie supplie ce Critique Docteur d'en faire l'essay en luy-mesme, & prendre 30. ou 60 grains de scamonee bien choisie ou deux dragmes de bon hellebore, plus ou moins, selon que son humeur en pourroit avoir besoin, avec une dragme de Theriaque du Sieur Antoine Célín, qu'il loue fort, aussi est-elle bonne, ainsi

que les autres ; ie ne croy pas qu'un Medecin de l'Hospital de Lyon , qui a fait ce Parallele pour soustenir vne cause si iuste & interessee pour la gloire de Dieu , & le bien public , doive refuser d'en faire ceste experience, principalement estant bien assure, selon son Auteur à Pamphilian, que la Theriaque bonne, telle qu'est la susdicte, doit non seulement par sa vertu empescher & surmonter la force du medicament, mais aussi faire qu'il n'arrive aucune esmotion au corps, ny du sain, ny du malade : & sçachant de certaine science, que les Empiriques, tant François qu'Italiens, & un nommé Descombes ont mangé impunement des crapauts, & testes de serpents, sans aucune supercherie, ny magie, par le seul usage du Theriaque. S'il fait cet essay, il nous pourra donner des assurances tres-certaines, si son Parallele n'est point un Libelle

belle, diffamatoire, ou Apologie du
 1. Ensonge d'auec la verité. *Ann. 11*
 Comme la Theriaque, vieille sert
 peu ou point à arrester l'action d'un
 médicament purgatif, que vulgaire-
 ment on appelle erodiatif, il est as-
 suré, que la Theriaque recente, est
 utile pour arrester, ou pour mieux di-
 re, pour quelque temps, retarder l'ô-
 peration du médicament catharti-
 que violent; mais non pas de le ren-
 dre totalement sans effet. A fin de le
 mieux entendre, il est à noter (ainsi
 qu'il doit sçauoir s'il à esté Lecteur
 des ieunes hommes Pharmaciens)
 qu'en la purgation il y a deux sortes
 d'actions, la premiere est l'attraction
 des humeurs, attirees de tout le corps
 dans l'estomach, où est le médicament
 purgatif; l'autre est l'éuacuation des
 humeurs attirees; celle-cy dépend de
 la faculté expultrice des parties qui
 ne peuuent supporter le voisinage des

humeurs attirées : celle-là est l'effect du cathartique , auquel neantmoins l'on attribue aussi vulgairement l'évacuation des humeurs attirées, & de telle sorte que l'on iuge d'auoir esté bien purgé par la grandeur de l'évacuation, que le vulgaire iuge estre vn effect du medicament laxatif , & non sans quelque raison. Ils suiuent cet axiome des Philosophes, *Quod est causa cause, est causa causati*. La Theriaque recente arreste l'évacuation des humeurs attirées dans le ventricule, par la force du cathartique violent , autant de temps que dure l'aétion de l'opium, qui assoupissant les sens, empesche que la faculté expultrice ne sente l'irritation que luy font les humeurs attirées, par la substance du medicament , s'il est violent , acré, & mórdicant ; mais la nature ou chaleur naturelle ayant surmonté le medicament narcotique, bien tost après

s'uit

suit la purgation ou euacuation des humeurs, attirées pendant le sommeil causé par la force du narcotique. Il ne faut autre raison que l'expérience (il en peut faire l'essay en luy-mesme) vn Apoticaire pour combattre & abbatre son opinion fondée sur l'autorité des liures erronés, & fausement attribués à Galen. Et quād bien ils seroient de Galen, ne sçait-il pas le dire commun, *Amicus Plato, amicus Aristoteles, sed magis amica Veritas*? Au moins, en establisant vne si fausse doctrine, & si cōtraire à l'expérience, il ne deuoit pas s'attacher si viuement à ceste autorité suspecte, sās produire quelque raison. Laquelle peut estre telle, ainsi que i'ay pû coniecturer, en parlant à quelqu'vn qui le soustient, ou du moins donnoit à cognoistre que son opinion pouuoit estre plausible, disant, Que la faculté des medicaments erodiatifs

estoit delecthere, ou veneneuse, selon
 Mesue, & partant pouuoit estre empes-
 chee par la Theriaque recēte: mais, ou-
 tre ce que la raison est auetgle, ou
 plustost la ratiocination n'est qu'un
 sophisme, lors que l'on s'en sert cōtre
 l'experience certaine, comme j'ay des-
 ià remarqué. Il sçait assez bien que ce
 mot delecthere, n'est pas pris estreite-
 ment en cet endroit, ains seulement
 pour signifier qu'entre les medica-
 ments laxatifs ils sont plus ennemis
 de nostre nature, l'irritent, & l'alte-
 rent dauantage. N'est-ce pas vne
 preuue suffisante, que la faculté laxa-
 tiue n'est pas vn vray venin, puis
 qu'elle n'est pas arrestee par le meslan-
 ge de tant de remedes alexitaires qui
 sont dans nos compositions purgati-
 ues, ainsi qu'il peut facilement reco-
 gnoistre, en lisant la description des
 pilules electuaires liquides & solides,
 laxatifs? Si le calament de Candie,
 selon

selon luy, peut empescher la morsure
 des serpents ; à plus forte raison, si la
 faculté laxatiue estoit vrayement ve-
 neneuse, plusieurs drogues alexitai-
 res empescheroient l'action de deux
 laxatifs erodiatifs (car les autres
 sont ou benins, ou mesme cordiaux
 & corroboratifs) qui entrent en la
 composition *pilularum lucis maiorum*.
 En la confection Alchermes le lapis
 lazuli retient vn peu de la faculté la-
 xatiue, ayant esté au prealable des-
 pouillé du tout de la veneneuse ; par
 la preparation ; & toutefois c'est vne
 composition grandement cardiaque
 & alexitaite. Il faut donc conclurre,
 que parce que les laxatifs meslés avec
 les cardiaques & alexitaires, ne laissent
 d'attirer les humeurs, & purger nos
 corps, la faculté laxatiue n'estre vene-
 neuse veritablement, & ne pouuoir
 estre empeschée & frustrée de son ef-
 fet, par la faculté du Theriaque.

Disons,

Difons', pour mieux esclaireir ce doute, Que les medicamens erodica-
tifs purgent, ou *irritando magis quàm attrahendo*, comme l'algarot, le crocus
metallorum, le vitriol : ou bien *attra-
hendo magis quàm irritando*, comme la
colochinte. La Theriaque (si elle n'est
recente) ne sert de rien pour arrester
l'action des premiers medicaments :
non plus que pour les venins cotro-
sifs, comme est le sublimé, l'arsenic, &
semblables, qui sont domptés plustost
par l'vsage des medicaments lenitifs
& vnctueux. Des seconds, la Theria-
que n'arreste la faculté attraëtiue, la-
quelle de soy n'est maligne, puis quel-
le est fondee sur la similitude de sub-
stance qu'elle a avec nos humeurs :
S'ils sont dits malins, c'est à cause de la
corrosion & qualité acre, ou autre qui
se treuve dans tels médicaments que
nous corrigeons, non par la Theria-
que, mais par le coin en la scamonce,

par

par l'huile rofat & muscilage de gomme Arabe, &c. en la colocinte, & semblables operations, qui n'ont aucune vertu d'arrester la qualité qui est veritablement veneneuse, ainsi que j'ay appris par les doctes leçons que j'ay eu des Docteurs Medecins mes Maistres. J'ay sçeu d'eux la Theriaque avoir esté ordonnée par Mesué, pour arrester les accidents en corrigeant lémotion des humeurs causees par le catartique, tant par ses qualités occultes, que manifestes, & pour fortifier la chaleur naturelle, corroborer la faculté retentrice, & assoupir le sentiment de l'estomach, & autres parties sensibles, plus, ou moins, selon la diversité de l'aage du Theriaque. Mais non pas que Mesué aye expressément ordonné la Theriaque pour attaquer la faculté vrayement purgative des medicaments catartiques, tout ainsi qu'elle fait les venins. Ce
quë

que les Doctes facilement cognoissent par la lecture de Mesue, s'ils s'en veulent rafraichir la memoire.

Parce qu'il importe fort peu, pour le sujet que nous traittons, de sustenter ceux qui aux dernieres pestes mettoient de la Theriaque avec les purgatifs, pour mieux purger les humeurs infectés de quelques venenosités, ie leur laisseray à luy respondre. Ie diray seulement, que sans raison, & poussé d'entree à blasmer ceux qui ont hazardé leur vie pour le Public, il marque qu'ils ont erré, disant, *Car si la Theriaque est bonne & receuable, elle doit empescher l'operation des laxatifs.* Mais, il ne sçait il pas qu'ils vsoient de la Theriaque Lyonnoise, laquelle, selon luy, n'arreste l'operation des purgatifs. Si ceux qui ont ordonné la Theriaque Lyonnoise avec les purgatifs, estoient de mesme opinion que luy, ils en pouvoient vser comme d'un remede des-

sicatif

ficatif, & qui a quelque faculté alexi-
taire, du moins comme le Diatesa-
ron, qui n'est pas tant à rejeter, com-
me il fait. S'ils sont d'autre opinion
que luy, les deuoit-il pas nommer,
à fin qu'ils luy fissent reſponce?

Nous luy accordons facilement
que les Theriaques Lyonnoises, com-
me auſſi toutes autres, n'arrestent tout-
à fait l'operation des purgatifs, elles la
peuuent retarder, ainſi que nous
auons dit; mais que nous laissons pas-
ſer yne imposture ſi grande, que d'as-
ſeurer que nos Theriaques ne seruent
de rien pour arrester la ſuperpurga-
tion, nous ne le pouuons, puis que nous
auons l'experience journaliere de no-
ſtre coſté, & qu'il n'y a Medecin col-
legié à Lyon, ny Maistre Apoticaire,
qui ne s'en ſoit ſeruy heureuſement
en ſemblables matieres, lors que les
occafions s'en ſont preſentées.

Il eſt vray que la Theriaque recéte,
& en

& en certains cas la vieille, est vn souverain remede aux dissenteries : mais il se trompe, sauf meilleur iugement, lors qu'il dit : Il est plus facile de contenir & arrester les humeurs esmeuës d'elles mesmes , que d'empescher qu'elles ne s'esmeuvent estant agitees & poussees par la force & violence du medicament purgatif. Car outre que le medicament purgatif, n'euacue pas les humeurs, ainsi qu'il dit, mais les attire à soy par similitude de substance; l'experience faict voir qu'il y a plus de peine à arrester les dissenteries, que les superpurgations; car elles conuiennent en cela toutes deux, qu'il y a flux immoderé par l'irritation de la faculté expultrice des parties : mais en la vraye dissenterie il y a tousiours vlcere aux boyaux , & non pas tousiours aux superpurgations. Ce qui faict que plus difficilement on arreste les dissenteries, que la superpurgation: car il faut

faut guerir l'vlcere , autrement on n'arreste le flux. Si ceste raison est dás le liure *De Theriaca ad Pisonem*, duquel il cite le chapitre ; n'ay-ie pas encor juste occasion de douter qu'il n'est pas de Galen? car elle est pleine d'erreur, & de fausseté.

Pour décrier les Theriaques qui se font en France, & leur dérober la vertu qu'elles ont à resserrier le ventre, & arrester la dissenterie, il dit, Que l'ex-^{Pag. 41.} perience a fait voir la Theriaque Françoisise inutile aux dissenteries au siege de la Rochelle ; sur la fin de l'année 1627. & au commencement de l'année 1628. & que la Lyonnaise en ceste Ville, sur l'Automne, en l'année 1629 n'auoit produit aucun effect. Nous sçauons bien qu'au siege de la Rochelle il estoit à l'Hospital, où si la Theriaque n'a point eu d'effect, ce peut auoir esté par son imprudence, ou par la force de la dissenterie qui

chudoit celle des meilleurs remèdes.
 Mais nous sommes assurés que la
 Theriaque Lyonnaise a beaucoup
 profité à Lyon l'année susdicte, & la
 présente. Elcrite, ou dite autrement,
 c'est aller contre tous ses Collègues,
 qui le dementiront. Qu'il voye le li-
 vre *de dysenteria & fluxu* de Monsieur
 Ioan de la Moniere, Docteur Medec-
 in; & l'Epistre escrete à Fabricius Hil-
 dans, par Noble Philibert Sarrazin
 Medecin du Roy; ses Collègues, ou
 celuy cy loue la Theriaque pour la
 dysenterie, & l'autre ne la mesprise
 point. Ils sont personnes de merite, &
 de sçauoir, qui ne voudroient auoir
 escrete chose contre la verité. Mais
 puisque en la Theriaque Lyonnaise,
 faicte mesmes des herbes Lyonnoï-
 ses, se treuuent tous les remèdes pro-
 pres pour guerir de la dysenterie,
 aussi bien qu'en celle qui est faicte
 des herbes Candiotes, sçauoir les nar-
 cotiques,

cotiques adstringents, desſiccatifs, &
 deterſifs; pourquoy, eſt-ce que ſi cel-
 le-cy eſt vtile à la diſſenterie, celle-là
 ne le ſera pas? I'oſeroy aſſeurer (ſelon
 le Paralelliſte) que celle-cy eſt plus
 profitable ſi la fièvre accompagne la
 diſſenterie, parce qu'elle eſt plus tena-
 perée, les herbes Lyonnoïſes n'eſtants
 de ſi forte & grande vertu que les
 Cardiotēs, qui ſont preſque toutes
 chaudes avec excez.

Je m'eſtonne que pour appuyer ſa
 vaine & ſuppoſee expérience, il aſſeu-
 re que Monsieur Erouiard premier
 Médecin du Roy, qui en auoit con-
 ſeillé l'vſage, dès lors comença à
 l'appeller *l'Appelourde des Antidotes*.
 C'eſt vne mauuiſe ruse que d'em-
 ployer les paroles des morts, il le fai-
 droît faire reuiure pour ſçauoir la ve-
 rité du faiet: mais nous ne croyons
 pas le Paralelliſte, ſcachants que
 Monsieur Erouiard eſtoit trop hom-

Au ſiege
 de la Ro-
 chelle.
 pag. 48.

me de bien pour en parler de la sorte.

Mais pour cognoistre qu'il nous veut appelourder, il faut examiner de près si la façon d'hàranguer est bonne, pour faire croire que feu Mōsieur Erouard auoit ainsi parlé du Theriaque ; & si elle n'est au desaduantage dudit Docteur. Si on luy adjoustoit foy il le feroit passer pour vn mauuais Medecin, qui ayāt recognu l'inefficace de la Theriaque aux dissenteries, il commença deslors à louer la prudence des Medecins de Paris, qui n'en ordonnent que tres-rarement, ou du moins en petite quantité, n'excédant la dose de 8. ou 10. grains, recognoissants les defauts de la Theriaque, faicte des viperes & herbes de ce pays, ou avec d'autres substitués. Voilà vne belle prudence pour arrester vne dissenterie. Messieurs de Paris ordonnent de la Theriaque 8. ou 10. grains, parce qu'elle est trop foible, dōcques si elle estoit forte & puis-

sante, comme seroit celle de Candie
 (ainsi qu'il suppose) ils en donneroient
 d'auantage pour arrester la dissente-
 rie. l'estime qu'il ne treuuera aucun
 Medecin de Paris pour pleige. Peut-
 estre ils ordonneroient moins de la
 Theriaque Cadiote, que de la Lyon-
 noise, s'ils estimoient la Cadiote plus
 chaude, tant ils craignent les remedes
 chauds aux maladies, où il y a fièvre.
 Poussés vn peu plus auant nostre poin-
 te. Ne faut-il pas que les remedes soient
 proportionnés à la grádeur de la mala-
 die ? si la Theriaque en la dose d'vne
 dragme, ou de la grosseur d'vne feve,
 qui est ce que l'on ordonne pour l'or-
 dinaire, est vn foible remede pour ar-
 rester la dissenterie, ne seroit-il pas
 mieux ou de s'en abstenir du tout, ou
 bien d'en ordonner plus grande dose,
 sçauoir vne dragme & demy, ou deux
 dragmes, à fin que le remede fut pro-
 portionné à la grandeur du flux de

ventre, & que la Theriaque, en la dose d'une dragme, par exemple, n'estant pas vn suffisant remede *intensifue* (ainsi que l'on parle dans les escholes) le fut au moins *extensifue*, en la dose de deux dragmes, ou de deux dragmes & demy? *In maiori quanto, est etiā maius quale*. Si Messieurs les Medecins de Paris l'ordonnoient comme cardiaque & alexitaire, pour resister à la malignité & venenosité des humeurs qui font la dissenterie, & qu'ils l'estiment avec luy (ce que nous ne croyōs pas) vn foible Antidote contre les venins; ils en deuroient donner plustost vne dragme, que 8. ou 10. grains, comme il est facile à conjecturer par la force de la raison prealleguee. Mais ils craignent la chaleur de la Theriaque aux fieures, & c'est ce qui les fait retenir à la dose susdite, lors qu'ils en ordonnent aux maladies chaudes accompagnées de malignité.

Nous

10 Nous aduouons, que la Theriaque
 est vn remede souverain contre la
 morsure des animaux veneneux ; le
 poison, & pour guerir la peste ; mais
 d'asseurer avec l'Authent du liure à
 Pison, qu'il ne s'est jamais veu qu'ayāt
 prins de la Theriaque, ou deuant, ou Pag. 49.
 après la morsure des animaux homi-
 cides, que les blessés n'ayent esté heu-
 reusement gueris, nous ne le pouuons
 ny deuons, ayant veu plusieurs mor-
 dus de Vipères, mesmes dans Rome,
 mourir assez soudainement ; enco-
 ré d'abord l'on leur donnoit suffi-
 sante quantité de bonne Theriaque
 ny vieille, ny surannée, ny falsifiée.
 Ceste hyperbole n'augmente-elle pas
 le doute que nous auons, si le liure du
 Theriaque à Pison est de Galen? sup

11 Nous le laisserons avec les Empiri- Pag. 50.
 ques Italiens, & vn François nommé
 Des Combes, sur le theatre, faire l'es-
 preme de leurs antidotes, qu'il dit

estre ; la seule Theriaque ; il le faut croire, puis qu'il n'y a pas long temps qu'il les a pratiqué. Mettons seulement sur le bureau l'essay de la Theriaque du Sieur Antoine Colin. Elle a guerri vn coq mordu d'vn Vipere, parce que ce Theriaque estoit sans substitut ; sauf le xilobalsamum. Tout-beau : ou sa memoire luy manque, ou il est imposteur : car en la Theriaque susdicte il manquoit trois des principaux ingredients de la Theriaque ; sçauoir le xilobalsamum, le calamus aromaticus, & les trochisques des Viperes Romaines, ou Candiotes, qui sont la principale base de la Theriaque. Elle estoit faicte de Viperes de Poictiers : cela estant, maintiendra-il que les Viperes de France, comme celles de Lyon, ou de Poitiers, qui sont sous vn mesme climat, soient inutiles, & que nos Theriaques soient des diateffarons seulement ? Osera-il
 J
 asseu

asseurer qu'elles n'ont aucune vertu, ny contre le venin, ny contre la morsure des animaux, ny pour guerir la peste, ou se preseruer d'icelle ? Je ne veux luy opposer que le Sieur Antoine Colin, lequel confessera ingenuëment d'auoir veu des grands effects de la Theriaque qu'il prepara, avec le Sieur André Viau, dans la maison de Ville, l'an 1611. aussi-bien que de celle de l'an 1626.

Mais voyons vn peu quelles sont ses raisons, pour nous faire croire que les Theriaques Lyonnoises sont inutiles, pour le faict de la peste. La premiere est tiree de l'experience, qui a fait voir, ainsi qu'il dit, qu'elle n'a pas eu le pouuoir de preseruer, & guerir de peste nos Cócitoyens de l'an 1628. jusques à present. A quoy nous respondons, qu'elle a eu beaucoup de pouuoir, se treuuant encor plus de dix milles personnes eschappees de la

peste, qui ont tous vsé de Theriaque,
 ou mithridat, & confections sembla-
 bles, & plus de vingt fois autant, qui
 ont vsé de preseruatifs, dans lesquels
 il y auoit du Theriaque, qui n'ont
 esté affligés de peste, car il n'est pas
 mort plus de quarante mille malades
 dans vne si grande Ville, & bien peu-
 plee. L'autorité du liure à Pamphi-
 lian est suspecte, car c'est vn liure fau-
 cement attribué à Galen. Nous con-
 fessons librement que la Theriaque
 est le plus souuerain remede pour la
 curation de la peste, suiuant l'Authéur
 du Theriaque à Pison, estant metho-
 diquement vsurpee. Mais que neces-
 sairement elle nous guerisse, & nous
 preserue, cela est contre l'experience,
 & la nature de la peste, qui est vne
 maladie commune, contagieuse, &
 mortelle, de laquelle il en meurt plus
 qu'il n'en eschappe. Et s'il faut iuger
 vn alexitaire estre impuissant par la

pluralité des morts, nous pouuons as-
 ſeurer que la Theriaque, qui se faiet à
 Rome, est plus debile & moins puis-
 sante, que celle qui se faiet à Lyon :
 car la peste estant à Rome est plus
 mortelle qu'en ce pays, plus froid
 que Rome. Icy au temps de la gran-
 de furie, il n'est pas mort 400. par iour :
 & du temps de l'Empereur Commo-
 dus, deux mille personnes moururent
 de peste dans vn iour à Rome, & l'an
 1527. il y mourut en trois mois 100000.
 personnes. On rapporte aussi que du
 temps de Vespasien, la peste y fust si
 grande que presque tous les iours il
 mourroit 1000. personnes, & que leur
 seruoient leurs alexitaires, & leurs
 Theriaques ? si ceste raison & preuue
 est valable, Monsieur le Paracelliste
 la iugera-il plus puissante que la sien-
 ne ? & ne fait-il voir euidentement que
 nous auons eu sujet de dire cy-des-
 sus ; Que nos viperes & herbes de

France ne cedent point ou peu à celles de Candie, & surpassent pour l'ordinaire à celles transportées icy ? Je marqueray en passant, que pour vn Logicien, il fait vn argument, pag. 36. *à minori ad maius*, qui ne conclud point en bonne Philosophie, selon mon sens naturel. Car il assure qu'il ne se faut esbayr si la Teriaque est si foible que de ne pouuoir guerir la peste, parce que les Viperes, & herbes de ce pays n'ont pas principalement la vertu de guerir les morsures des bestes veneneuses, qui est le mal le plus difficile. Est-ce bien conclurre ? La Theriaque composee des Viperes, & herbes de ce Pays ne guerit pas vn mal tres-difficile, & le plus dangereux. Donques, elle ne guerira pas le mal qui est moins dangereux. Il me semble qu'il falloit argumenter en ceste sorte. La Theriaque ne peut guerir la peste ; Donques, elle ne guerira pas la

la morsure des bestes veneneuses, qui est le mal le plus difficile, & le plus dangereux. Au moins, son argument seroit conforme aux preceptes de Logique. S'il n'est bõ & valable, laissons-en à Messieurs les Medecins le iugement, aussi-bien que des raisons qu'il apporte à la page 54. & 55. pour tesmoigner la Theriaque estre vn grand remede pour arrester la pourriture, laquelle est faicte de chaleur & humidité, demandant son contraire vn remede froid & sec : & la Theriaque est chaude & seiche: pour ceste cause Mrs. de Paris en vsent fort peu aux fieures, quoy qu'elles soiēt pestilētiques. . . Je m'estõne fort qu'il loüe Gal. de ce qu'il vsoit de la Theriaque pour desfeicher les vlceres des poulmõs purulents, & rongeants, tels que se treuuent aux phtisiques. Procedure que ie n'ay pas veu auoir esté encor obseruee par aucun des Medecins : mais il ne luy
 impor

importe de la verité des autorités,
pourveu qu'il s'en puisse seruir contre
les herbes de la Patrie. A. 2092. 04. b

Nous auions par mesgarde laissé ce qu'il rapporte d'Aëtius, pag. 50. si vn coq; ou autre animal ayant prins deux dragmes d'opium, est prelerué de la mort par vn peu de Theriaque, alors elle est iugée tres bonne. Pourrons nous pas conclurre; doncques à vn homme ayant prins de l'opium en trop grande quantité, on luy doit donner de la Theriaque qui soit bonne: la Theriaque bonne est celle qui n'est ny falsifiée, ny vieille (selon luy.) La Theriaque recente bien faicte, n'est ny falsifiée, ny vieille & surannée. Doncques il faudra donner à vn homme ayant prins deux dragmes d'opium, la grosseur d'vne noisette de Theriaque recente. Ce seroit là vn bon remede pour le resueriller, ou bien pour le faire dormir iusques

ques à la venue du Seigneur. Il dira
qu'il est facile à conjecturer qu'il faut
user du Theriaque vieil. A cela ie luy
responderay, que ie n'ay cherché dans
l'Auteur lequel il cite, parce qu'il
ne marque le lieu, & ne sçay si l'on
pourroit tirer ceste responcc par la
force du texte. Je sçay bien qu'un
homme ayant prins deux dragmes
d'opium bon & bien choisi, ne sera
preservé du sommeil par la grosseur
d'une noisette de la Theriaque de
dix ans du susnommé & approuvé :
ny de celle qui se faict à Rome, ny
ailleurs. Il n'en faut d'ordinaire qu'un
ou deux grains, prins seuls, pour faire
dormir : & deux dragmes font 120.
grains. Du moins m'accordera il que
l'on ne peut faire ceste preuve de la
Theriaque, qu'elle ne soit du tout
hors de sa faculté somnifere : ce qui
l'arrive qu'elle n'aye pour le moins
10. ans : pource il faudra defendre
236 aux

aux Maistres Apoticairez de debiter leur Theriaque qu'après dix ans. Qu'il iuge si cela est raisonnable, ou plustost, si le texte d'Aëtius n'est pas corrompu, il aura suivi l'opinion d'autrui. Je ne sçay si Christophle Orose aura remarqué ce defect dans ses annotations & retranchements sur les Interpretes de Aëtius. Si ie n'estoy assuré que la passion erotique & l'enuie l'ont contraint de declamer contre les Viperes Lyonnaises, ie m'estonneroy grandement qu'un Docteur Critique n'aye pas remarqué l'erreur ou defect de ceste probation de Theriaque. J'estime encor que la colere iointe à ces deux passions, ne luy a permis de faire choix de bones raisons (s'il y en peut auoir) contre nos trochisques & Theriaque. Ce qui s'est premierement présenté à luy, sans aucune reflection, il s'en est seruy, estimant que c'estoit

des

des arguments indubitables & sans
replique. C'est ce qui l'a aveuglé en
presque toutes les pages de son Para-
llele, semblable à ceux qui forcenés
de colere, se seruent de tout pour in-
strument de leur vengeance.

*Cuncta volant dum dextra velox in
vulnera sævit,*

Pro telo geritur quicquid suggesserit ira.
Aussi d'une rage extreme qu'il a con-
ceu contre quelques Apoticairez,
pour deschirer leur reputation &
blasmer leur Theriaque; il dit, Que
la Theriaque composee des viperes
Lyonnoises n'a que la vertu d'un dia-
tessaron pag. 53. & à la pag. 59. apres
vne fausse supposition cy-deuant re-
futee, il dit qu'elle corrompt nos hu-
meurs & esprits, ou au plus ne peut
estre qu'un diatessaron, sçavoir en
vertu, selon la page 44. Mais en quel
labyrinthe se precipite-il? Le diatessa-
ron ne corrompt pas nos humeurs,

ny nos esprits, car il est composé de quatre remèdes qui résistent puissamment à la pourriture. Nos Theriaques Lyonnaises sont des diatessarons en vertu (selon luy.) Doncques (selon luy) nos Theriaques Lyonnoises ne corrompent nos humeurs & esprits, & ne les corrompent. Cela est contradictoire: la vérité est si forte qu'elle tire sa preuve de son ennemy: & la vertu de nos vipères Lyonnoises attire le venin de sa langue contre elles, ou plustost pour elles, à fin de se faire recognoître viles à empêcher la corruption des humeurs, & de nos esprits, & résister aux venins, aux morsures des bestes homicides, & à la furie de la peste.

Pour raualler d'autant plus l'estime de nos vipères & Theriaque, qu'il compare au diatessaron, il estime que le diatessaron est vne composition pour mulets, se seruant de Syluius qui l'appelle

pelle neantmoins, *Antiqua & Utilis compositio*. Le Paralelliste se pique de bon esprit, & n'en veut pourtant yser. Il cite Syluius à faux & le peruertit du tout, aussi bié que Mesué. Il dit: On luy attribue quelque legere vertu, & Mesué dit simplement, *confert*, c'est à dire, elle profite. Et luy pour la ravalets il dit: Elle a quelque legere vertu, contre les indispositions froides du cerueau & les quelles il ne nomme pour ce mauvais dessein: de méisme qu'il ne fait aucune mention des profits qu'elle apporte aux maladies du ventricule & du foye. En suite comme concludant, il dit, D'où vient qu'abusiuement on le nomme Theriaque: car tous ses effets sont si foibles au respect de la Theriaque d'Andromachus, que Syluius sur Mesué blasme les Charlatans & Empiriques qui le vendent aux âmes simples pour la bonne Theriaque.

Syluius ne parle pas en ceste sorte. Il dit, Que le diatessaron est vne composition ancienne & vtile : qu'elle est dite Theriaque, parce qu'elle resiste à la morsure des bestes homicides ; en adjoustant de hyuoite. Absirtus & Vegetius qui auoient le soin de traiter les mulets, en faisoient vn drapenté, & auoit vne composition faicte de cinq ingrédients, tres-salubre pour conseruer les iuments. Communément elle est vendue par les courours pour la grande Theriaque. Ce texte de Syluius fidelement traduit, faict voir ce qu'il allegue cy dessus du diatessaron, estre faux. Il n'est pas content de peruerbir le sens ou de membrer le texte de Syluius & Mesué, il les appelle Abuseurs, en imposant le nom de Theriaque au diatessaron. Mais si le Prince des Arabes appelle avec raison la squille *Theriaca aduersus venena*, & aussi l'opoponax beu

avec

avec l'aristoloche, pourquoy le Paralelliste blasmera-, il l'Euangeliste des Pharmaciens, en l'accusant d'imposer avec abus, le nom de Theriaque à son diateffaron, qui est vne composition de quatre ingredients tous alexitair-
res? Luy est bien à meilleur titre Abuseur, lors qu'il veut faire croire au Lecteur, que Syluius ayt escrit qu'elle soit plus propre pour la maladie des mulets & cheuaux, car Syluius n'en dit mot. Il luy est permis avec la lie du peuple de l'appeller la Theriaque des mareschaux, Pour nous, nous l'appellerons avec Mesué, *Theriaca, Antidotus, Diatefferon*: avec Syluius, *Antiqua & utilis compositio*: avec le docte Massaria, *Optima, sed amara, & calidior antidotus*. Aussi a-elle des grandes vertus pour remedier à plusieurs maladies froides, & du cerueau, epilepsie, paralysie, spasme canin, sçauoir la torsure de la bouche, & du ventricule, comme l'in-

flation, & la douleur qui la suit, & la tardive coction : en fin, à celles du foye, comme à l'hydropisie, cachexie, & observations d'iceluy. Nous l'auons veu ordonner aux palles couleurs, obstructions, & affections de la matrice. Dauantage, elle resiste à la malice des venins, & breuuages empoisonnés ; à la morsure des scorpions, & des bestes homicides ; *Valet ad morsus ferarum*, dit Syluius. Pour luy faire voir qu'il mesprise trop le Theriaque diateffaron, ie le renuoye au docte Massaria, au liure du traité 1. de peste, parlant des quatre ingrediés du diateffaron. Il dit que les habitants d'un village, qu'on appelle Caltranum, pauvres & misérables, ayats esté griefuement affligés de peste par l'espace de deux ans, suivant le conseil d'un de nos Medecins, tant pour la guerison, que pour la precaution d'icelle, se seruirent de ce seul remede, reduict en poudre, &

non

non sans grãd eniolumēt; car bientoſt ils furent deliurés de ceſte grande, & pernicieuſe maladie, qui fut vne grãde grace de Dieu, tres-bon enuers eux.

Que dira-il maintenant du diateſſaron? merite-il pas le nō de Theriaque, puis qu'il reſiſte aux poiſons, aux morſures des animaux veneneux, preſerue, & guerit puiſſamment de la peſte? Si nos Theriaques ne ſōt que des diateſſarōs en effet, elles ne ſeront, (cōme il aſſeure,) inutiles pour les choſes ſuſdites, ny ne corromprōt nos humeurs & eſprits. S'il prend bien garde que tous les puiſſants remedes de la Theriaque d'Andromachus, qui reſiſtent aux venins, ſont d'ordinaire dans nos Theriaques, & non dans le diateſſaron, il iugera qu'elles ont encore plus de force que le diateſſaron à arreſter la peſte, poiſons, & morſure des animaux, qu'elles ſurpaſſent, en ce qu'eſtant recentes, elles ſeruent beaucoup

aux maladies chaudes, & arrestent puissamment les douleurs & fluxions, & superpurgations, aussi-bien que celle de Rome.

Auant que finir, & faire vne conclusion toute contraire à la sienne, ie diray que l'antidote de François de Combes estoit le diatessaron, fortifié par l'addition de l'angelique, ainsi que personnes dignes de foy, & qui professent la Medecine, me disent auoir recognu. Et qu'un Maistre Chirurgien de ceste Ville, Monsieur Ferret, fit vne composition antipestilentielle, qui auoit pour sa base les trochisques de viperes Lyônoises, & assés bonne quantité de Theriaque Lyônoise, laquelle a esté tres-vtile à ceux mesme qui estoient dans l'infection, & qui traittoient les malades pestiferés, en l'an 1628. s'estants preserués tout à faict du mal, & se sentants gaillards, avec bon appetit, le iour qu'ils en vsoient.

vsoient. Cela est dict pour verifiser l'vtilité de nos Viperes.

Pour nos Theriaques, nous pourrons adjouster ce que j'ay appris de Galen, au liure *De Antidotis*, c.14. que j'ay parcouru, lors que nostre Antiparallele estoit fort auancé, & presque sous la presse : *Tibi verò petroselinum estreaticum si defuerit, ne peiorem existimes theriacam futuram, si aliud imposueris : non enim si mortiferis venenis, si venenatorum morsibus aliud à petroselino estreatico minus congruit, propterea etiam reliquis morbis, aut torminibus ventriculo debili, aquæ inter cutem, segmùs opitulentur.* Ceste authorité fait voir que la Theriaque n'est point plus mauuaise en changeant vn remede moins puissant à vn autre plus puissant, comme est la semence du persil d'autre pays, au respect de l'estreatique. Et après qu'il a dit, que pour faire la Theriaque il faut employer les meilleures dro-

gues, il dit que, *Tametsi nunc plus, nunc minus in eorum compositione impingant, eas tamen vsui non inutile faciunt.* Et encor que tous, sçauoir, *optimi quique Medici, & Vnguentarij*, desquels il parle, fissent des fautes, c'est à dire, substituant tantost plus, tantost moins en leurs compositions, ils ne les font pour cela inutiles pour s'en seruir. Pour faire voir que Galen n'a pas estimé que les herbes des autres pays ne soyent bonnes, c'est qu'il assure d'auoir donné les marques de bien eslire les meilleurs medicamēts, non seulemēt pour l'vtilité des Medecins qui frequentoient Rome, mais aussi pour la commodité des autres qui habitent *in cæteris terrarum partibus*: car s'ils cognoissent les conditions ou marques des choses tres-bonnes, ils pourront faire choix des choses les plus excellentes qui croissent chez eux, ou leurs voisins. Dequoy tres-bien informés les Me-

decins

decins de France, ont tous iugé qu'en la France naissent des simples tres-côuenables pour faire la Theriaque, qui ne sera inutile pour s'en seruir. Mais le Paralelliste passe par dessus, & les censure tous.

20 Le m'estonne puis qu'il se dit si zelé au bien public, comme il se destourne de l'intention des Auteurs, luy qui fait gloire de suivre les meilleurs. Que ne considere-il que les Arabes, lesquels nous imitons en pratiquant, & suivant leurs dispensaires dont nos boutiques sont dressées, nous montrent euidentement, s'il nous faut sortir hors de nos terres, & aller aux esloignées & incognues, pour y chercher ce que nous pouuons auoir commodément pour nostre profession & Art de Medecine. Galen Palæmon des Medecins bien qu'il aye composé la Theriaque, & autres compositions: & qu'il ayt entre ses œuures faict mention

tion de plusieurs simples qu'il n'auoit pas en main, n'a pas entendu qu'il fust necessaire d'aller hors de Rome pour y chercher ce qu'il possedoit: ains au contraire, lors qu'il a mis la main à l'œuvre, il dit franchement en ses escrits, qu'il n'a vsuré autres simples que ceux du pays, lors qu'il s'y en est treuvé de bons. Ce ne seroit pas l'auoir en bon estime, que de croire, que luy estant venu à Rome pour exercer la Medecine, ainsi qu'il s'y est veu du temps de nos peres, & du nostre plusieurs Medecins de diuerses Nations, & Prouinces, il n'eust sceu faire, ny eux aussi, la Medecine qu'avec les remedes de Grece, de Pergame, & ainsi des autres. A sçauoir mon si les animaux, les plantes, & tout ce de quoy nous choisissons les aliments, & medecaments, iouissans de mesme influence celeste, de mesme air, & presque de mesmes aliments & nourriture

re (quoy qu'en die le Paralellifte) ne
 respondent mieux à nostre tempera-
 ment, & naturelle complexion, que
 celles qu'on nous apporte des pays
 estrangers. Nous sçauons ce que nous
 pouuons employer, & ce que nous de-
 uons mandier chés autrui. Il ne faut
 donc resmoigner sa passion, ny auoir
 en horreur sa Patrie. S'il est si bon Ga-
 leniste, comme il veut qu'on le croye,
 qu'il suiue ses documents, & il verra
 que ses liures, *de Paratu facilibus*, ne
 semblent pretendre autre chose, qu'à
 nous persuader que la terre est en tous
 endroits pleine de médicaments.
 Quelle contrarieté n'apporte-il en
 ses sentiments? Il veut que nous cher-
 chions lojn, & avec despence excessi-
 ue (bien que nous n'espargnons rien
 qui soit, pour cela :) & puis il dit en
 tous lieux, qu'il veut charitablement
 exercer & retrancher le superflu, &
 sur tout des cordiaux, qui sôt de prix,

luy qui se dit Docteur de Montpel-
 lier, ce qu'il n'a pourtant appris en
 vne telle eschole, & au contraire veut
 imiter, dit-il, les Maistres de Paris. J'ay
 l'honneur d'en cognoistre, & d'auoir
 pratiqué sous eux, non point dans cét
 erreur, & telle qu'il la clabauda par
 tout. Si ceux qui le protegent en ses
 opinions auoient les effets de Platon,
 comme ils en veulent à sa morgue,
 sçauroient qu'un des puissants argu-
 ments qu'il auoit, estoit de blâmer
 & reprendre les infracteurs de la loy,
 qu'il louë tant, par laquelle il estoit
 prohibé à tous d'aller querir de l'eau
 chés son voisin, pour bonne qu'elle
 fust, que premierement ils n'eussent
 creusé dans leur fonds, iusques à l'ar-
 gile, c'est à dire, qu'ils fussent assurés
 de n'en pouuoir recourir chés eux.
 Partant, quoy qu'il veuille argumen-
 ter, ie ne me départiray iamais de
 mon opinion, puis que nous ne nous
 esloi

esloignons en façon quelconque du deuoir: & nous nous meublons autant qu'il se peut de tout ce qui est prescrit par les anciens, soit esloigné, ou proche, quoy qu'il veuille s'ingérer de tarifer ce qu'il ne cognoist. Nos seruices sont recognus de la discretion du public, & ne le seront de sa volonté, qui a plus de malice que de bonté.

Nous pouuons maintenant conclurre contre son Parallele, Que la Theriaque Lyonnaïse faicte en presence des Medecins collegiés à Lyon (le mesme soit iugé de celles qui se font à Montpellier, à Aix en Prouence, Auignon, Poictiers, & ailleurs) n'est point à mespriser, & qu'elle ne cede en rien à celle qui est faicte en ce pays des herbes Candiotes, & a les mesmes, vertus que la Theriaque d'Andromachus. Nos Vipetes ont toutes les marques des vraies Vipe-

res.

res. Nous les chassons en temps deu
& cōuenable, & és lieux secs, ou pro-
che iceux. Nos herbes, ou des pays
circonuoisins, ne cedent en rien aux
herbes estrangeres, qui par la lon-
gueur du temps, & force de l'air de la
mer perdent leur force, & le plus sou-
uent, lors que l'on nous les apporte
ne sont avec la faueur & odeur deuë.
Nous auons aussi souuent experi-
menté leur vertu contre les breuua-
ges empoisonnés, la morsure des vi-
peres, la furie de la peste, & le cours
impetueux de la dissenterie, & des su-
perpurgations, & à la nuisance des
remedes somniferes, suivant la diuer-
sité de leur aage. Que si nous auons
egard que nos viperes sont moins
veneneuses, que les Romaines : Que
la peste n'est icy si dangereuse, ny si
contagieuse, comme à Rome & pays
excedants en chaleur : Que nos her-
bes ont plus de familiarité avec nous,

que

que les Candiotes, & se peuuent bien
 accorder avec les sucz, racines, gom-
 mes, larmes, espiceries, & drogues, qui
 toutes ne sont à present si fortes,
 qu'elles estoient du temps de Galen,
 soit qu'on ne nous apporte pas les
 meilleures, soit qu'elles s'alterent par
 la longueur du chemin, ou du temps
 que les marchands les gardent, ou
 que les Autheurs disent beaucoup de
 choses qu'ils n'ont pas expérimenté,
 ou que toutes choses courent à leur
 fin. Il faudra conclurre en toute veri-
 té, Que nos Theriaques Lyonnoises,
 estants bien faictes, avec peu ou point
 de substitués (car mettre du scordium
 de ce pays, pour celuy de Rome, ce
 n'est pas proprement substituer, ou
 faire grand changement d'une her-
 be pour vne autre, puis qu'elles sont
 toutes deux sous vne mesme espee,
 le scordium Romain n'estant pas
 mieux scordium, que celuy que nous

cueillons en nos terres, ou lieux circonuoisins, ny point, ou peu meilleur que le nostre, nous pouuons conclure que nos Theriaques sont aussi bonnes pour nous guerir, & preseruer de la morsure des bestes homicides, de la malice des poisons, & furie de la peste, de trachees & torrent de la dysenterie, du rauage des superpurgations, de la nuissance des somniferes, comme celle de Rome peut guerir, ou preseruer les Romains, celle de Candie les Candiots des inconueniens susdicts. C'est doncques sans raison que nostre Paralelliste rejette nos Viperes, comme nuisibles, & qu'il assure nos Theriaques n'estre qu'un diatessaron en effect, qui est neantmoins vne bonne & ancienne composition, laquelle nos Theriaques surpassent de beaucoup, ayants vne force plus grande de resister à la nuissance, non seulement des venins, morsure des animaux veneneux,

nereux, & de la peste, par le melleange des Viperes, & plus grande quantite d'alexitaires. Mais encor pour arrester la dysenterie; appaiser les fluxions, douleurs de superpurgations, & autres dispositions contre nature, auxquelles est propre la Theriaque d'Andromachus, à laquelle la Lyonnoise ne cede ny peu ny point, estant fidelement dispensée; & supposé qu'elle ne soit qu'un diatessaron, en effet & vertu; ce qui n'est pas; peut-il asseurer, qu'elles corrompent nos humeurs, puisque le diatessaron, de beaucoup inferieur à nos Theriaques, ne le fait?

• Sa malice avec mespris de sa Patrie fait esclater visiblement la repugnance qu'il a conceüe mal à propos des medecaments que Dieu luy a donné. (*Medicamenta enim manus Deorū sunt.*) Et du mespris passant à la mesdisance il blasme les Maistres Apoticaire d'avarice, les argüe d'imposture, & les

taxe de fausseté; injuriant en outre le College des Medecins, dementant leurs Approbations, & blasonnant ceux qui assisterent à la deliberation tenuë en l'Hostel - Dieu, le mois de May dernier, du nom de Pseudogalenistes; d'Hermaphrodites du temps, les qualifiants Chiens gardiens du Capitole, qui n'osent abbayer, craignant de perdre leur curée, & d'Abuseurs des Sieurs Recteurs.

pag. 60.

Après tant d'inuectives satyriques, il ose prier le Lecteur de parcourir son œuvre d'un œil sain & benin, & sans se stomacher. On auroit l'estomach bien desuoyé & peruertý, si on ne s'offençoit de lire tant d'iniures en 61. pages remplies de faussetés, impostures & mensonges; au lieu de raisons: de satyres en place d'arguments: & tant de calomnies où la verité deuroit paroistre toute nuë. De là il se jette dans les protestations de repliquer à
nos

nos discours, estimât en vain d'étouffer nostre Antiparallele, en sa naissance. Ces menaces sont pour intimider ceux qui ne le cognoissent pas. Qu'il prenne garde de ne pas entreprendre vne troisieme fallie, s'il n'est assuré de la rendre plus heureuse, & mieux receüe, que les deux precedentes, qui nous esmeuent plustost à la compassion de son infirmité, qu'à l'indignation de sa malice. Si Mesué ne luy a pas esté fauorable en la premiere, Galen ne luy sera pas plus propice en la seconde: encores qu'il soit vray, que les choses qui symbolisent en similitude, s'apparient & se rapportent facilement ensemble, *symbolorum facilis est vnio*. Il est Medecin, mais de l'Hostel - Dieu seulement, non par defect de doctrine, mais par excez de malice, n'ayant pas voulu profiter des bons aduis qu'il deuoit receuoir des Gardiens d'Esculape, au

preiudice desquels il fulmine, Qu'il
 ruïnera dans Lyon la Pharmacie, la-
 quelle y a esté si long-temps & avec
 tant d'integrité exercee. Il n'a retenu
 de la vipere que le venin, & comme
 elle le couue sous la dent, il le fomen-
 re dans son cœur, & apres l'estale par
 la langue. Du coq il n'a rien profité,
 il est denué de prudence & de force,
 deux principaux moyens pour abou-
 tir au but de ses pensées & desseins
 d'alliance. Qu'il donne de la croyan-
 ce aux sages: autrement apres s'estre
 seruy de luy pour esclorre ses mau-
 uais intentions, il se piquera luy-
 mesme, & on le laira dans la risée &
 l'opprobre, comme est l'Aucerruncus
 dans les iardins inutile à bien faire;
 ce qui est fort nécessaire pour vn heu-
 reux hymen. Que s'il veut encor vne
 fois entrer en lice, & que la deman-
 geaison d'escrire le tourmente, qu'il
 se ressouuienne d'estre à l'aduenir
 plus

plus judicieux en ses raisons, plus véritable en ses propositions, mieux concludant en ses consequences, & plus modeste en ses paroles. S'il est tel, il n'aura pas sujet de se pourrir contre nos jugemens, (ainsi que Machetas à son Roy sommeillant, qui seront aussi favorables à la resuscitation, qu'ils semblent estre rudes à ses caprices, ou si on li' veut en dire un peu.) Nous sommes trop assés de la malignité de ses humeurs noires pour appeller du Paralelliste au Paralelliste en faveur de nos Vipères (mais prudents comme elles) à l'exemple de S. Paul qui recognoissant la malice des Juifs appella d'iceux à Cesar, usant du privilege des citoyens Romains, du nombre desquels il estoit. Estants Lyonnois nous appellons du Paralelliste au College de Medecine, & implorons la Justice des Magistrats, & Corps de Ville, pour arre-

ster la furie de sa passion, qui sans
raison luy fait décrier ce que la terre
natale luy fournit, & agit contre la
réputation du Corps des Marchands
Espiciers, & Maistres Apoticairez, &
des Approbations des Medecins qui
président à la composition de nos
Theriaques, & contre le pouuoir de
Messieurs les Magistrats qui les au-
thorisent. Que s'il ne change, ie ne
tiendray iamais pour Medecin, celuy
qui ne pratique la vénération de ce-
ste maxime, qui est en la sainte Es-
criture (où il feuillette si souuent).

*Deus dedit Medicinam, vir Sapiens de-
lectabitur in ea.*

Ad maiorem Dei Virginisque

MARIE gloriam.

Attestation
 DE MONSIEVR OLIER,
 CONSEILLER DV ROY EN
 ses Conseils d'Etat & priué,
 Sur-intendant en la Iustice,
 & Police de la Ville
 de Lyon.

NOUS IACQUES OLIER,
 Seigneur de Verneuil, Cheualier, Con-
 seiller du Roy en ses Conseils d'État &
 priué, Surintendant en la Iustice & Police
 de la Ville de Lyon, pays & ressorts de
 Lyonnois, Forests, & Beaujolois ; Certifions
 qu'en nostre presence, assistez des President,
 Lieutenans General & particulier, d'au-
 cuns des Conseillers, & des gens du Roy du
 Siege Presidial dudit Lyon, LOVYS LA
 GRYVE, Maistre Apoticaire du Roy,
 & Garde juré en ladite Ville, a fait l'ex-
 position, meslange, & composition du

Theriaque, les drogues veuës, examinees,
 & jugees bonnes par les Docteurs Medec-
 ins, & Maistres Apoticairez de ladite Vil-
 le à ce presents & appellez; Et pendant le
 temps de la fermentation l'une des clefs du
 Vaisseau est demeuré en nos mains, & la-
 dite composition parfaicte, en a esté rescrué
 quantité dans vn Vase de la Chine, clos &
 cachetté de nos armes, de celle de ladite Vil-
 le, & College des Medecins, pour estre pre-
 sentée à sa Majesté. En soy dequoy nous
 auons signé le present Certificat, & iceluy
 faict seeller de nosdites armes. A Lyon, le 25.
 Oictobre, 1619.

Signé **OLIER.**

Et plus bas par mondit Sieur,

PALERNE.

Et seellé.

ATTE

Attestation

DE MESSIEURS LES
Preuost des Marchands & Escheuins
de la Ville de Lyon.

N O U S Preuost des Marchands &
 Escheuins de la Ville de Lyon,
 Certifions à tous ceux qu'il appar-
 tiendra, Que LOVYS LA GRIVE,
 Maistre Apoticaire du Roy, & Garde
 Juré en ladite Ville, a fait l'exposi-
 tion, mélange & composition du
Theriaque, les drogues à ce nécessaires
 ayant esté examinées & iugées bon-
 nes par les Docteurs Medecins, &
 Maistres Apoticaire de ceste dite
 Ville, à ce presens & appelez, en pre-
 sence de Monsieur Olier, Conseiller
 du Roy en ses Conseils d'Estat & pri-
 ué, Sur-intendant en la Iustice, & Po-
 lice de ladite Ville, assisté des Sieurs
 Presi

President, Lieutenant General, & Particulier, d'aucuns des Conseillers, & des Gens du Roy du Siege Presidial dudit Lyon: Et pendant le temps de la fermentation, l'une des clefs du Vaisseau est demeuree entre les mains dudit Sieur Olier; Et ladite Composition parfaite, en a esté réservée quelque quantité dans vn Vase de la Chine, clos & cacheté des armes de ladite Ville, dudit Sieur Sur-intendant, & du College des Medecins de ceste-dite Ville, pour estre présenté à sa Majesté. En tesmoin dequoy, Nous François de Merle, Conseiller du Roy, President, Tresorier General de France en la Generalité de Lyon, Notaire & Secretaire de sa Majesté, Prevost des Marchands, Alexandre Chollier, Conseiller du Roy en la Seneschauſſee, & Siege Presidial dudit Lyon, Octavien Vanelle, Philippe Seue, & Benoit Bezin, Eschevins de ladite

dite Ville & Communauté, Auons
faict expedier, & signer le present
Certificat par le Commis au Secreta-
rial, & sceller du scel, & armes auten-
tiques de ladite Ville & Communau-
té. Le vingt-sixieme Octobre, l'an mil
six cents dixneuf.

Signé,

DE MERLE.

CHOLLIER.

VANELLE.

SEVE.

BEZIN.

Et plus bas, par mesdits Sieurs,

GVERIN, Commis.

Et scellé des armes de ladite Ville.

Appro

Approbation

DES DOCTEURS MÉDECINS, & Maistres Apoticairez de la Ville de Lyon.



O M M E chez les anciens le Temple de la Vertu seruoit d'entree à celuy de l'Honneur, cestuy-cy estant la iuste recompense de celle-là ; ce qui a fait dire que les Arts recognoissent l'Honneur pour leur pere nourricier : Aussi c'est prostituer & perdre la Vertu, que de la priver de son prix, & luy desnier les eloges, qui doiuent suivre son merite. Que s'il y a quelque chose qui s'attribue dignement le nom, c'est sans doute, selon l'aduis des plus iudicieux le seruice rendu au public & à la Patrie : tellement honoré des suffrages de tous les siecles, que les premiers, crainte de ne le recognoistre assez, ont logé
 orqqa parmy

parmy les Dieux ceux qui auoient obligé
 le public de leurs inuentions, leur accordant
 plus qu'il ne leur falloit, pour ne leur estre
 auares de ce qu'il sembloit leur estre acquis;
 & les derniers les ont releué de toutes sor-
 tes de témoignages, & ne leur ont refusé
 aucune louange, à fin que ceste recomman-
 dation seruit d'esperon, pour porter toutes
 sortes d'esprit, à bien meriter de la chose pu-
 blique. C'est pourquoy M^c. LOVYS LA
 GRIVE Apoticaire du Roy, & Garde
 juré en ceste Ville de Lyon, s'estant présenté
 à nostre College pour Nous remonstrer,
 Qu'ayant après plusieurs autres fois prepa-
 ré dernièrement la Tberiaque, en presence
 de la pluspart des Docteurs Medecins du-
 dit College, & des Maistres Apoticaire de
 ladite Ville, avec autant de soin, diligence,
 & fidelité, que l'on peut desirer à une si
 importante Composition, pour l'ornement
 de laquelle, outre la recherche des drogues
 les plus rares, il auroit pour le premier esta-
 blé les Trochisques des Viperes non mendiez
 d'ailleurs,

d'ailleurs, mais préparez en presence des Docteurs Medecins, & Maistres Apoticairez deputez, des Viperes chassées & prinſes en lieu & ſaiſon conuenable, dans noſtre terroir Lyonois, ce qu'autre auparauant luy n'auroit faiët, deſcouvrant qu'en vain on les recherchoit d'autre part, puis que nous en abondions en nos quartiers; comme il l'a fait veoir par la quantité de celles qui ont eſté tuees & preparees en ſa boutique, pour la conſeëtion deſdits Trochiſques, legitimees aux ſignes & marques indubitables, par leſquelles elles ſe ſont recognoiſtre. Et partant qu'il nous ſupplioit, veu ce qu'il auoit rapporté d'eſtude & de trauail, non ſeulement ſuiuſant, mais auſſi par deſſus la couſtume, pour l'enrichiſſement & perfeëtion de ladite Theriaque, que le tout pour luy ſeruir, & au public, ne paruſt qu'auce noſtre Approbation. Nous ANGELIN FOVRNIER, Doyen du College, par l'aduiſ des Docteurs, qui jugeants ſes demandes juſtes, ont trouué à propos d'accorder

der sa requeste, à fin qu'il ne soit fraudé de la loüange qu'il mérite pour s'estre acquitté si dignement qu'il a fait de ceste Composition, & que rendant ce tesmoignage à son industrie, ceste recommandation serue d'equillon à bien faire à tous ceux qui en semblable occasion le suyuront. Certifions que ledit L A G R Y E en nostre présence, & celle de Messieurs Maistres ISAAC COGNAIN, HIEREMIE LAGNIER, PANCRACE MARCELLIN, JEAN PIERRE BUGNET, JEAN RICHARDON, PHILIBERT SARRASIN, CLAUDE DU BOST, JEAN DELAMONIERE, HENRY DERHODES, FRANÇOIS COGNAIN, Docteurs agregés de nostre College: Après avoir esté les simples & drogues necessaires à la susdite Confection, entre lesquelles estoient les Trochisques sus mentionnés des Viperes preparés en presence desdits Docteurs, & des Viperes chassées & prinsees en lieu & saison conuenable en ce terroir Lyon-

nois, autre Apoticaire auparavant luy
 n'ayant rien attenté de semblable, & nos
 boutiques luy demeurant obligées de ceste
 descouverte, a procedé du depuis au meslan-
 ge desdictes drogues, y adistants les Do-
 cteurs & Maistres Apoticairez lurs, depu-
 tés & nommes d'office par Messire L. A. C.
 QUESOLIER, Conseiller du Roy en
 ses Conseils d'Etat & priué, & Surinten-
 dant en la iustice & police de la Ville de
 Lyon, & c. qui honnoroit ceste Action de sa
 presence, accompagne de Messieurs les Pre-
 sident, Lieutenant general & particulier,
 Conseillers, & gens du Roy de la Senes-
 chaussee, & Siege Presidial de la Ville de
 Lyon, & tous les autres Maistres Apoticairez,
 & que, soit en l'estalement, & exami-
 nation des drogues, soit audit meslange,
 tout y est passé selon l'aduis des Docteurs
 Medecins & Maistres Apoticairez

Matthieu Cheuier, Garde luré député
 & nommé d'office.

Guillaume

Guillaume Nesme, *Ap. 29*
 David Mose, & *vi. 10*
 Guillaume Roussel, *deputés & nommés*
d'office.
 Jacques Callier, *Ap. 29*
 François Pauillon, *vi. 10*
 Antoine Dondeyne, *vi. 10*
 Jean Vimard, *vi. 10*
 Nicolas Charlin, *vi. 10*
 I. Philibert Verdan, *vi. 10*
 Pierre Bissalard, *vi. 10*
 André Viau, *vi. 10*
 Guillaume Bugnet, *vi. 10*
 Jacques Chastillon, *vi. 10*
 Saluator Dondeine, *vi. 10*
 Sebastien Vanini, *vi. 10*
 Pierre Cheurier, & *vi. 10*
 François Declercy. *vi. 10*
adistants, qui n'ont peu ne luy rendre ce
tesmoignage, que peu de semblables compo-
sitions, plus accomplies en medicaments
choisis selon l'Art, la methode, & l'intention
de l'Auteur, auoyent paru jusques alors.

Et qu'après le mélange, le temps nécessaire à la fermentation luy ayant esté prescript par nostre d'iceluy College, qui condamnant la coustume de ceux qui mettent en v'sage le Theriaque aussi-tost après sa confection, l'a censuré comme erronnée, & a jugé raisonnable, qu'elle ne fust débuiée avant le temps nécessaire : Il a déclaré, que son dessein, en tout ce qui dependoit de sa profession, n'estoit autre que l'vtilité publique, & qu'à ceste fin il feroit tout ce qu'il luy seroit enjoint, puis que le College en decernoit en ceste façon. Ayant aussi tost remis les clefs du vase où estoit contenu ladicte Theriaque entre les mains de Monsieur l'Intendant, qui s'en réservant l'une, & luy en permettant une autre, voulut que les autres fussent gardées par Nous, & par l'un des Gardes lures Apoticairez, pour les rapporter lors qu'ils seroyent requis de venir remuer ladicte Composition. Le temps doncques de la fermentation estant expiré : Nous déclarons ladicte Theriaque estre telle, qu'ayant esté

si fidelement preparee qu'il n'est possible de plus, selon les regles de l'Art, elle peut estre non seulement debitee vtilement, mais aussi qu'asseurement l'on en doit attendre les Vertus, lesquelles l'Autheur de ce souverain medicament luy a attribuees, confirmees par une longue & indubitable experience. En foy dequoy Nous avons signé la presente Approbation, & y avons fait apposer le seel de nostre College, & les Maistres Apoticairez celuy de leur Communauté, & leur seing manuel. A Lyon, ce vingtcinquieme Octobre, mil six cents dixneuf.

Au Lecteur.

DAns les heures que j'ay peu prendre du loisir pour relire ce Liure lors de l'impression des dernieres feuilles, j'ay remarqué quelques fautes passees aux precedentes, par la precipitation de la presse roulante de l'Imprimeur : & plustost par le peu de commodité que j'ay eu d'y assister, retenu en mes occupations ordinaires qui veulent des heures precises : mais encores ay-ie reconnu que ce sont fautes tolerees en l'imprimerie par ceux qui sçauent que c'est de l'Art : comme aussi de l'orthographe, les poincts & virgules obmis, ou mal mis, à quoy ceux qui daigneront relire la periode d'un œil favorable suppleront.

Fautes à corriger.

Page 40. ligne 20. remuer, *lisez* premier : pag. 55.
lig. 22. epidemes, *lis*. epidermes : pag. 64. lig. 7.
apres expert, adioustez tant : pag. 71. lig. 19. ne
sont pas plus, *lis*. sont plus : pag. 72. lig. 11. l'icte-
ritis, *lis*. l'ictéritie : pag. 80. lig. 16. puis, *lis*. pris:
pag. 101. lig. 13. chystus. *lis*. chystis: de mesmes en
la pag. 105. lig. 23. pag. 127. lig. 9. reperis, *lis*. repe-
ritur : pag. 133. lig. 17. deuant le mot, qui mettez
ou : pag. 139. lig. 3. surpassent, *lis*. surpassant, & lig.
17. seroient, *lis*. feroient : lig. 9. ostez le mot, ores:
pag. 145. lig. 9. difference, *lis*. differente : pag. 153.
lig. 23. erodicatif, *lis*. eradicatif, & par tout
ailleurs.



*Consentement de Monsieur le Procureur
du Roy.*

IE n empesche pour le Roy, que le
Traité intitulé *L'Antiparallele en fa-
ueur de la Theriaque Lyonnaise*, soit im-
primé & mis en lumiere par Claude
& Jean Chastellard, Pere & Fils, avec
defences à tous autres en tel cas ac-
coustumees. A Lyon, ce 8. Nouem-
bre, 1632.

P V G E T, Pr. du Roy.

*Permissiõ de Monsieur le Lieutenant
General.*

VEu le consentement de Mon-
sieur le Procureur du Roy, il est
permis d'imprimer ledit Liure, avec
defences en tel cas accoustumees.
Fait à Lyon, ce 10. Novembre, 1632.

MOIRON.